

KRISTO WA KALIZIBYA

MU MAKKALO OONSE

 Ii Magwalo masyoonto awa ayo Nge yanda kutondeka sunumasiku. Ndali kuyeeya aa ciiyo ca ceeco nco tuli waano. Ndi yanda kubala kwa cibeela ca Lugwalo, eco Nce syoma kuti boonse, muswaangano oonse, weelede kuba a Ijwi lya Leza kubala muli ncico. Nkaambo, Ndi lizi inga Wa tuswaana kakutakwe kubala Ijwi, pele Nda yoowa loko kuti Njo lubizya. Aboobo ikuti na Nda bala Ijwi Lyakwe, Ndi lizi kwiina bulubizi muli Eelyo. Aboobo Nda—Nda kabala Ijwi Lyakwe, mpawo Ndi lizi kuti cintucimwi ciyozwa ku muswaangano, nkaambo ka kubala kwa Ijwi Lyakwe.

² Elyo aboobo, kubikka muzeezo wesu aa Lugwalo olo ndo tuyo bala, busena bomwe bujanwa mu Musalali Johane, cipati 10, kutalikila kampango ka 32 a 39, kusanganya; mpawo mu cibalo cakaindi cizizilwe, Bahebrayo 13:8. Lino mu Musalali Johane, cipati 10, kutalikila kampango ka 32, tula bala eci.

Elyo Jesu wakaingula, Milimo minji mibotu Nje ka mutondezya iizwa kuli Taata wangu; ku milimo nzi eyi njo mu nduumina mabwe?

Iba Juda baka mwingula, kuti, Ta tukuumi mabwe nkambo ka milimo mibotu; pele nkambo ka kusanka; alimwi nkaambo...yebo, mukuba muntu, ulicitya lwako kuba Leza.

Jesu waka bavwiila, Sa taku lemedianwe mu mulao wanu, Nda kati, Muli tuleza?

Ikuti na wa kabaita kuti tuleza, kuli mbabo ijwi lya Leza nkolya kasikila, nkabela magwalo takonzyi kususigwa;

Mwaamba ngue, oyo Taata ngwa kasalazy, aku tuma mu inyika, Ula sanka; nkaambo Nda amba kuti, Ndili Mwana wa Leza?

Ikuti na Nse citi milimo ya Taata wangu, muta ndi syomi.

Pele ikuti na Ndila cita, nekubakuti tamu ndi syomi, amwii syome milimo: kutegwa muzibe, a kusyoma, kuti Taata uli muli ndime, a Ndime muli nguwe.

Nkikaako baka yanda alubo kuti bamu tole: pele wa kaloboka kuziva mu maanza abo,

³ Elyo mu ba Hebrayo, capita 13 a kampango ka 8.

Jesu Kristo mbobuca nguwenya... a sunu, amuya myaaka.

⁴ Atu kombe. Taata Wakujulu, salazya mutumwa sunumasiku, Mwami, ku Mulumbe, a sikuswilila wa Ijwi, nkambo twa cilomba mu Zina lya Jesu. Ameni.

⁵ Lino mbuli mbo tuswena ku cibalo eci, cibalo buyo ciniini catulengwa ku busiku butaanzi, ku kuzibilana, Ndi yanda kubweza cibalo, i... *Kristo Wa Kalizibya Mu Makkalo Oonse.*

⁶ Lino Bbuku lya Bahebrayo awa lila twaambila kuti Ngu mbobuca nguwenya, sunu, amuya myaaka.

⁷ Elyo tula bala mu Bbaibbele awa kuti aba ba Juda bakali ku Mu buzya. Tu jana kuti ba Griki baka Mu buzya. Elyo wakali mubuzyo uzumanana. Wa kali nkaambo bantu banji loko bajisi bupanduluzi bunji loko bwaandene Bwakwe.

⁸ Taakwe muntu wakasola kumvwa kuli Nguwe pele oyo wakali kusukamina ku Mu bona. Ndili masimpe kuti na Nda konzya kubuzya sunumasiku, "Mbangaye banu bayanda kubona Jesu?" maanza oonse inga aunka mujulu. Taakwe i—taakwe muntu wakasola kumvwa Nguwe pele eco nco bayanda ku Mu bona.

⁹ Kuli cintucimwi kujatikizya akwalo Zina Lyakwe, eco buyo... cila tukweleleyza ncobeni. Kuli cintucimwi kujatikizya ncico eco ciboteleyza moyo wesu, kumvwa buyo Zina eelyo, Jesu. Nkaambo, mu Zina eelyo tu jisi kujatilwa kwa zibi, tu jisi lununuko lwesu, nkambo mukwasyi woonse ku Julu uyo ba... kuyumuna Zina eelyo. Elyo aboobo tu... Leza kabweza eli Zina lya buntunsi kuti libikkwe Mwini cindi Na kayubululwa mu mibili. Ino ndi Zina bbotu!

¹⁰ Lino tu—tu yeeya Nguwe mukuba mupati maning! Elyo muciindi ca makkalo, muntu oonse wakalilila kubona Leza. Lino penzi lya ncico, kuzwa ciindi ca Jobu...

¹¹ Ndi yeeya kuti lya Jobu lila nganisigwa kuba limwi lya Mabbuku akale maningi amu Bbaibbele. Lya kabikkwa buyo mukati. Ca kalembedwe ciindi ca Musa, Musa kalemba i—i mabbuku one mataanzi.

¹² Lino tula syoma kuti—kuti Jobu, omuya, wakoompolola ciindi cimwi, "Ikuti na Nda konzya buyo ku Mu bona! Ikuti na Nda kalizi awo Mpe kali kukonzya kuunka ku ng'anda Yakwe! Ndi yanda," mu majwi amwi, "kukonkomona aa mulyango Wakwe."

¹³ Toonse tu lizi kuti twa kazwa kubusena bumwi. Tuli kunze lya cisitilizyo cimwi eco nco... Kuli cintucimwi muli ndiswe, cisika ku cintucimwi, eco nco tuzi kuti twa kazwa kubusena bumwi. Inga tee twaba mbuli kuti tatukwe cintucimwi kusule yesu caku tubamba.

¹⁴ Wacci lyangu nilya takonzya kucitika. Boonse bajisi mizeezo yabo ili kabotu ina bali ziba eelyo wacci, ngale, akupakamana kuciindi, a bubambe, a maspiring'i, a—a tweenzyo, nita citika buyo. Ta cikonzeki kuli njiyo kucitika.

¹⁵ Amulange bulenge boonse, obo mbo bubambidwe antoomwe. Tu lizi nicata kacitika. Ino muntu mupati buti kwinda wacci! Muntu wa kaanza wacci, akwibikka ku ciindi, akwiibikka antoomwe. Aboobo ikuti na ta cikonzeki ku kulangila oko kucitika buyo, ino inga caindila buti kukomena kuti uebo a ndime twa citika buyo kuba kookuko? Kweelede kuba mulengi kunze lyesu. Ikuti na twa langilila bulenge Bwakwe bupati, obo mbo ceenda, a nzila Mbwa pona muli mbubo, kupona muli mbubo.

¹⁶ Tula bona tuvu, obo itu mboli lengelela aa cisamu. Elyo kutandila akati ka Ivvivvi, kakutakwe caanda na kufumbwa cintu, buumi bula cisiya a kuselemukila mu tuyanda. I tuvu lilaloka akuunka ansi eni atala lya bulongo. Lino ndipenzi nzi? Kuli Bupampu bumwi obo bukanana kuli mbubo. I samu tali jisi busongo bwalyo lini. Aboobo buumi bula selemukila mu tuyanda wa musamu, ku kuyuba kuzwa ku bube butontola. Ikuti na ca... Ikuti na caka kkala kutala okuya, inga cafwa, mapeyo inga acijaya.

¹⁷ L ino ino tuvu licita nzi? Lila kkala a bulongo akubola. Buumi bucita nzi kuciindi bwanooli mu miyanda? Bula nyonka kujosya cintu kuzwa ku tuvu eelyo lifwide, kkaushiamu a kufumbwa ciinka muli ndilyo, a kubuka alubo mu butololo, a kujokela nkoonya ku busena bwawo alubo, kuleta tuvu limbi. Bwalo mbumboni; lufu, kuzikkwa a bubuke.

¹⁸ I zuba lila pasuka kuseeni, mbuli muvwanda muniini wazyalwa. Eiti na naini okuloko lili mu cikolo. Teeni okuloko lyazwa ku cikolo. Twelufu okuloko lili mu kukomena kwalyo kwaakati. Elyo mpawo watalika kufwa, kufwa alubo a kubbilla Kumbo. Sa nku koonse kwa ncico? Kubuka cifumo citobela, ku kupa bumboni; buumi, lufu, kuzikkwa, bubuke. Zintuzyonse, zyoonse, Leza ulapona mu bulenge Bwakwe. Ula cita eco alimwi waka cicita kwiinda mu makkalo oonse.

¹⁹ Lino, nzila yomwe biyo njo tuyu ziba ikuti na Leza ucpiona. Inga twa Mu bona mu bulenge Bwakwe, pele mbobuti Leza mbwa kasola kulitondezya Mwini ku bantu kuti...

²⁰ Muntu umwi waamba, "Ee, uli kuli Leza? Yebo waambaula kunji loko kujatikizya Nguwe."

²¹ Mu Africa, mu masena akutolela lusyomo okuya, akati ka i—i bana Afrikaani, ba belesya bbala lya *amoyah*, eelyo lyaamba kuti, "inguzu zitabonwi," mbuli muuwo. "Leza Wako," ula amba, "Leza utabonwi, Walo—Walo uli mbuli muuwo. Walo ni nguzu, pele ta—ta tu Mu boni."

²² Ee, Nda syoma kuti inga twa Mu bona. Nkaambo, tula jana mu cipati 12 ca Musalali Johane, bamwi Bagriki bakasika kubona Jesu, elyo ba kati, “Nobaalumi, tu yanda kubona Jesu,” alimwi baka tolwa kuli Nguwe, kuli umwi wa basikwiiya Bakwe. Elyo ba Hebrayo 13:8 yakati, “Ngu mbobuca nguwenya, sunu, amuya myaaka.” Elyo ikuti na Ula konzya kutolwa mu mazuba ayo, ku kubonwa kuli umwi wa basikwiiya Bakwe, nkaambonzi ta tukonzyi kuli basikwiiya Bakwe, sunumasiku, kuleta basikuyandaula ku Busyu Bwakwe, ikuti na Ngu mbobuca nguwenya, sunu, amuya myaaka? I Bbaibbele lyaamba kuti Mbwa bede, “Ngu mbobuca nguwenya, sunu, amuya myaaka.”

²³ Lino, Ndi lizi eci cimvwika cakubinda. Pele ikuti na uyo tukkazikila buyo maminiti masyoonto, Nda syoma kuti Mebo, ku lugwasyo lwa Leza, a Ijwi Lyakwe a kweendelana ku Ijwi Lyakwe, inga Nda Mu leta mpoonya awa kumbele lyanu. Elyo mpawo, kuti, ino nkumbulizigwa! Nke kaambo ncotuli waano. Swebo to Banakristo tuli waano kujana kuumbulizigwa, ku—ku leta, ku boola mu Busyu bwa Leza obo mbo tuzi, oyo uukonzya kutubusya mbuli Mbwa cita tuvu, oyo uukonzya kutujosya.

²⁴ Nkaano kabuyo kalo, alo mabala buyo akabikkwa antoomwe, alo mankwangwalizya aba Juda, na bwalo Mbwini? Oko kuli bulubizi bunji loko, kweelede kuba Bwini kubusena bumwi. Oko kuli dollar ya lweeno, Njo amba kuti kuli imwi ini yakapangwa kuzwa kuli njiyo. Elyo oko kuli kulikozyanisa kunji loko, a zintu zinji loko nzo tubona sunu, kweelede kuba Leza wakasimpe kubusena bumwi.

²⁵ Lino ikuti na ta tu Mu belekeli, nkokuti atu zwe ku cintu nco tucita a kuunka kuyo Mu belekela. Nkaambo, nekubaboobo, ino mbubotu nzi kuli kwaamba kwesu ikuti na taakwe cintu kuli ncico? Elyo kusinizya kwesu taku—taku tugusyi kuzwa ku kuzulwa. Bahedeni bala sinizya. Bantu balanywa kkasidi ya kabboliki ziindizimwi, basinizizye, kabayeeya kuti bali mukunywaa cintucimwi cimbi. Kusinizya taku cicit. Kweelede kuba nzila iiluleme, a nzila eyo iilubide.

²⁶ Nda syoma kuti Bbaibbele lili luleme. Nda syoma kuti Ijwi lya Leza lili luleme. Lino Leza weelede kubeteka, [Mukwesu Branham wagweemuna kameneno kakwe—Mul.] (Mundi jatile.) We elede kubeteka i—i inyika ku cintucimwi.

²⁷ Lino cindi ni Nda kali mulombe muniini, mukwasyi wangu kumbele lyangu, kutali bataata a baama, pele kakutanaba eco, twa kali muna Irish ku mabazu obilo, aboobo, swebo, wakali muna Katolika alimwi cakali buyo cabulenge kuli ndime kubweeda ku mbungano ya Katolika. Ee, bataata a baama baka kwatana kunze lya cikombelo, nkabela tiiba kaunka ku cikombelo. Elyo mpawo cindi Ne kaba wa bukkalo, kuziba kuti

kwakali Leza, mbuli bunji bwanu mwaka bala bbuku lyangu, Nda—Nda kalizi kuti kwakali Leza kubusenabumwi.

²⁸ Pele lino, muyeeyo wa ncico ngwa kuti, ikuti na Leza uyo beteka inyika kwiinda ku mbungano, mpawo njili mbungano mboi yooba? Ikuti na iyooba mbungano ya Katolika, mpawo njili mbungano ya Katolika? Iba Roma, Orthodoxisi, na nguni umwi Ngwaya kubeteka? Ikuti na Uyo ibetesya kwiinda ku Protestant, nje njijo kwiinda ku Methodisti, Baptisti, Pentekoste, Presbyteria? Nguni umwi? Mwabona, kuli lupyopyongano lunji loko.

²⁹ Aboobo mulombwana inga wati, “Ee, cili buyo. . .” Oh, iyi, cila cita. “Ta cikwe makani, kufumbwa kuti kosinizizye.”

³⁰ I Bbuku taanzi mu Bbaibbele, eelyo lyakaleta lufu, malwazi, buusu, a cibi, kabede nkaambo muntu omwe watakasyoma Ijwi lyomwe. Mu Bbuku lya mamanino ilya Bbaibbele, Leza nguwenya, aa Ciybunuzyo 22, kati, “Kufumbwa muntu uyo gwisya Ijwi lyomwe, na kuyungizya ijwi lyomwe kuli Ndilyo, cibeela cakwe ciyo gwisigwa kuzwa ku Bbuku lya Buumi.” Aboobo lyeelede kuba Bbuku lya lubeta.

³¹ Lino tu jana kuti, “Ku matalikilo,” Musalali Johane 1, “ku matalikilo kwakali Ijwi, nkabela Ijwi wakali a Leza, nkabela Ijwi wakali Leza. Elyo Ijwi lyakaba mu mibili wabantu a kukkala akati kesu. Twa ka Mu bona, simuzyalwa alikke wa Taata, kuti Ijwi Lini, Leza, wakaba mu mibili wabantu a kukkala akati kesu.”

³² Bahebrayo 13:8 yaamba kuti, “Ngu mbobuca nguwenya, sunu, amuya myaaka.” Mpawo ikuti na Ngu mbobuca, alimwi ndi Ijwi, mpawo mbobuti Ijwi mbo lya kalitondezya Limi kwiinda mu makkalo oonse ambi? Uyo elela kucita Lwaho nzila njiyonya sunu, kuba Jesu Kristo mbobuca nguwenya, sunu, amuya myaaka. Obo Mbwini buyo. Walo ndi Ijwi, alimwi oko. . . obo Ijwi mbo lyaka tondezegwa mu makkalo oonse ambi, Leza tacinci Mwini, Malaki 1, na, Malaki 3:6 yaamba kuti Ta citi: “Ndime Leza, Nse cinci.”

³³ Aboobo mbubonya nzila Mbwa kabede ku matalikilo, Mbwa bede sunu. Elyo Wa kali Ijwi, ku mukowa wabantu, ku matalikilo. Leza kwiina nakapa mukowa wa bantunsi mbungano kwiima kunze, kwiina naka bapa kansiyansiya ka kwiima kunze. Wa kasita muntunsi a Ijwi Lyakwe, “Amusyome Ijwi eli a kupona!” Ncintu nciconya asunu. Elyo Kristo ndi Ijwi eelyo, “Ku matalikilo kwakali Ijwi, Ijwi lyakali antoomwe a Leza, nkabela Ijwi wakali Leza. Elyo Ijwi lyakaba mu mibili wabantu a kukkala akati kesu.” Lino, obo Mbwa kabede mu makkalo ambi, mpawo We elede kuba mbubonya asunu, ikuti na Ucili mbobuca nguwenya, sunu, amuya myaaka. Kwalo, Ndi yeeya kuti Nda kapandulula cakumaninina kuti ngu Jesu Kristo mbobuca nguwenya, amuya myaaka, alimwi Walo ndi Ijwi.

³⁴ Lino, Jesu wakati, “I Magwalo taakonzyi kususigwa.” I Magwalo akali bwini. Elyo Lugwalo lwaamba kuti, mu Musalali Johane 1, kuti, “I Ijwi lyakaba mu mubili wabuntu, a kukkanla akati kesu.” Leza wakaba mu mubili wabuntu, mu Mwana Wakwe, Jesu Kristo, a kukkanla akati kesu. Mu Musalali Johane 10:35, Jesu wakaita baabo Mba kasikila, abo bakali Ijwi ku matalikilo, “basinsimi.” Jesu wakati awa, “Mulao wako wini umuyiisya kuti, abo Ijwi lya Leza nkolya kasikila, nkabela Ijwi lya Leza lya kaboola ku basinsimi.”

³⁵ Lino ba Hebrayo, capita 1, yaamba kuti mu i... kati, “Leza, mu ziindi zyakale,” nkabela ezyo nziindi zyakaindi, “ziyanza zyandeeene wakaamba ku matata, kwiinda mu basinsimi; mu buzuba obu bwamamanino kwiinda mu Mwana Wakwe, Jesu Kristo.” Mwabona?

³⁶ Lino, amubone lino, Leza! Jesu wakaamba kuti, “Abo Ijwi nkolya kasikila, bakali kutegwa ‘tuleza,’” abo bakali basinsimi. Lino, kutali muntu lwakwe wakali Leza, awalo mubili wa Jesu Kristo wakali Leza. Wa kali muntu, alimwi Leza wakali vumbilidwe kunze Lyakwe.

³⁷ Leza lyoonse wakalisisa Mwini kuzwa ku buleya, a kuliyubununa Mwini ku bantu abo bayo cisyoma. Leza! Omu Munondo mwainda, ku cikombelo, Nda kakambauka aa *I Leza Watondezegwa*. Leza lyoonse wakalisisa Mwini kunze lya cintucimwi, kutegwa bantu baanje inyika taba kazibi cintu kujatikizya Nguwe. Pele Ula liyubununa Mwini ku bana Bakwe a kuli baabo bali bambilide kunjila kunze lya cisitilizyo eco.

³⁸ Mu Cizuminano Cakale kwakali zikutu zyabagutu zyakasisa Leza. Wa kali mu Bulemu bwa Shekina. Cakali kunze lya zikutu zyabagutu. Kabatana kuba kunze lya zikutu zyabagutu, ba...

³⁹ I Ijwi lyakali muli Musa, musinsimi. Wa katanta aa cilundu. Wa kaswaana Musumpulu wa Mulilo, nkabela Wa kaambwa kuli nguwe. Wa kaselemuka a kucita zitondezyo zya musinsimi, kagusya bana ba Israyeli kuzwa mu Egipita, kuya ku dundu eli. Elyo mpawo Leza wakaseluka a kuzibya Musa, kwiinda ku kumuleta mu Musumpulu wa Mulilo oyo, a ku Mu vumbilila. Taakwe muntu umbi wakali kukonzya kuunka. Taakwe muntu uli onse wakali kukonzya kusola kukkopela ceeco, takali kukonzya kucicita, ba kafwa. Katola muntu omwe, wa kanjila kusule awa, mu Musumpulu wa Mulilo, mu Bulemu bwa Leza, a mu Bulemu bwa Shekina; elyo cindi na kazwa a Ijwi eelyo lya bukkalo obo, wa kali kumweka loko a Bulemu bwa Leza mane wa kavumba busyu bwakwe. I bantu tiiba kakonzya kudunamina ali nguwe. Elyo eco cakali cisitilizyo cakunyama.

⁴⁰ Ino ncinzi? Cindi muntu aatyola cisitilizyo eco, mu Bulemu bwa Shekina lino, inyika i mwiita kuti sikwiindilizya. Taba konzyi kubona eco cilubide. Pele kunze kuya, kwiina buboto bwakwe. Inga taa lyaamba kaboutu majwi akwe. Inga—inga ta

sama buyo kabotu. Inga ta sama zisani zya bupaizi. Inga taasama nzila njo bayeeya kuti weeblede kucita. Inga caba, pele, nywebo mwabona, mukati, kunze lya cikutu eco ca mugutu, kunze lya cikutu ca muntunsi, mukati myua kuli Bulemu bwa Shekina, mukati myua ni nguzu, mukati myua ndi Ijwi, mukati myua kuli cinkwa camabonwabonwabonwa. Elyo Bulemu bwa Shekina, uuli Mumuni, oyo uubamba Mumuni oyo uubamba museke kubizwa.

⁴¹ Nywebo nobantu bana Kansas mulizi obo, kwiinda ku zisyango zyanu zya whiiti. Kakutakwe zuba eelyo, tali kamuni.

⁴² Elyo kusikila wanjila kunze lya cikutu eco ca mugutu, kusikila wazwa mu lukanda lwako lwakaindi, miyeeyo yantu yakaindi, tuyanza twanu twabuzumini twa kaindi, a kunjila mu Busyu bwa Leza; mpawo Ijwi lyaba kasimpe kapona kuli nduwe, mpawo wa kasinsimunwa ku Bulemu bwa Shekina, mpawo Bbaibbele lyaba Bbuku lipya, mpawo Jesu Kristo ngu mbobuca nguwenya, sunu, amuya myaaka. Mu pona mu Busyu Bwakwe, kulya cinkwa camabonwabonwabomwa eco cakabambilwa buyo buzuba obo ku basyomi, bapaizi buyo. “Elyo tuli bapaizi, bupaizi bwabwami, cisi cisalala, bantu basalesale, kabapa zituuzyo zya kumuuya kuli Leza.” Pele mweelede kunjila, kunze lya cisitilizyo, kubona Leza watondezegwa. Elyo Leza watondezegwa, eelyo ndi Ijwi Lyakwe lya yubululwa.

⁴³ Lino sunu tu jisi bantu banji loko baamba kuti, “Ee, swebo, mbuli *boobu-a-boobu*, tula Ci syoma mu nzila *eyi*.” Inkamu imbi yaamba kuti, “Swebo, mbuli *boobu-a-boobu*, tula Ci syoma mu nzila *eyi*.” Mwabona, mula jana bupanduluzi bunji loko!

⁴⁴ Leza tayandi sikupandulula uli oonse. Ula pandulula Ijwi Lyakwe Mwini. I Bbaibbele lyaamba kuti, “Talikwe bupanduluzi bwa kumuntu omwe.” Leza ulaliyubununa, Mwini. Ula cita! Ku matalikilo, Wa kat, “A kube mumuni,” nkabela kwakaba mumuni. Eco taci yandi bupanduluzi buli boonse. I Leza wakati, “Inakalindu uyo mita,” waa kacita. Eco taci yandi bupanduluzi buli boonse. Leza wakati, “Ku mazuba akumamanino,” Uyo “tila” Muuya Wakwe “aa bantu boonse,” nkabela Wa kacita. Eco taci yandi bupanduluzi buli boonse.

⁴⁵ Li cili Ijwi! I Ijwi ngu Leza. Leza, mu makkalo oonse, wa kabikka kunji loko kwa Ijwi Lyakwe. Elyo omuya, amulangilile eco Nca kacita, Wa katuma ii–ii musinsimi. “Elyo Ijwi lya Mwami liboola ku musinsimi.” I musinsimi ula Ci yubununa ku nkamu ya bantu, nkabela nkamu ya bantu bala Ci syoma. Elyo, mpawo, oyo ngu Leza mu mulimo, Leza keenda ku Muuya Wakwe.

⁴⁶ Lino tu jana kuti Wa kalizibya Mwini mbuli Mwana wa muntu awa, lino, ku kuzulizya. Lino, cindi Na kasika aa nyika, amuyeeye, Wa kalizibya Mwini ku buleya, aanze, Wa kalizibya Mwini mbuli Mwana wa muntu. Wa kaboola mu zina lya mwana

otatwe; Wa kaboola mbuli Mwana wa muntu, Mwana wa Leza, Mwana wa Davida. Lino, *Mwana wa muntu* walo “musinsimi.” Awalo Jehova Mwini wakaita Ezekieli, kati, “Mwana wa muntu.” Jehova, kakanana ku muntu, musinsimi, waka mwiita kuti, “Mwana wa muntu.” Elyo Jesu wakalizibya Mwini mbuli Mwana wa muntu, nkaambo Magwalo takonzyi kususigwa.

Mu Deutronomo 18:15, Musa wakati, kumane . . .

⁴⁷ I bana ba Israyeli bakati, “Muta lekeli Leza ku kanana limbi. Tu yanda Musa ku kanana kuli ndiswe.”

⁴⁸ Wa kati, “Nse kakanani limbi kuli mbabo mbuli booboo, pele Njo batumina Musinsimi.”

⁴⁹ Mu Deutronomo 18:15, wa kati, “I Mwami Leza wanu uyo busya Musinsimi uli mbuli ndime.” Elyo aboobo olo Lugwalo talukonzyi kususigwa, Wa kacita kuboola mbuli Mwana wa muntu. Lino eco cakali ca bukkalo Bwakwe, cindi Na kali ano aa nyika.

⁵⁰ Mpawo cindi Na kafwa, wakabuka, akutanta, akujosya Muuya Uusalala, oyo wakali Mwana wa Leza. Leza walo Muuya, alimwi kwiinda mu Bukkalo bwa Mbungano wakali Mwana wa Leza.

⁵¹ Elyo mpawo mu Mileniamu, walo Mwana wa Davida, kakkede aa cuuno cabwami, kweendelezya. Wa katanta kujulu. “Oyo uuzunda uyo kkala a Ndime aa cuuno Cangu cabwami, mbuli Mbwe kazunda, a kukkala aa cuuno cabwami ica Taata Wangu.” Uli kkede aa cuuno cabwami ca Taata lino. Pele mu Mileniamu, Ula kkala aa cuuno Cakwe Cini cabwami, nkaambo Walo Mwana wa Davida.

⁵² Walo Mwana wa muntu, Mwana wa Leza, Mwana wa Davida. Mwabona, cili londokede buyo.

⁵³ Lino tu jana kuti, Wa kaboola mbuli musinsimi. I kutacinca kwa Ijwi Lyakwe! Leza tacinci. Leza tacinci, nkambo Wa kali Musinsimi wakali muli Josefa. Wa kali Musinsimi, Wa kali Leza muli Josefa. Wa kali Leza muli Davida.

⁵⁴ Amulangilile Josefa, katondezya buyo buumi bwa Kristo kutandila kulondoka, pele wa kalubizya, kutondezya kuti takali Nguwe. Muntu ula lubizya. Mwabona, wa kaambila Farao, wa kati . . . Wa kaambila bawisi, oyo wakali musinsimi, Jakobo, wa kati, “Wa ambila Farao kuti—kuti tuli basimatanga, nkaambo mweembeli ncisesemyo ku muna Egepita.” Pele taata, Muuya tii waka muzumizya kucicita; wa kati, “Balandu bako, beembezi.” Aboobo mwabona Josefa alya kabamba bulubizi.

⁵⁵ Davida, muntu mulemu, waka lubizya. Ii muntu uyandwa ku moyo Wini wa Leza, nekubaboo wakanywa Betisheba, kayeeya kuti wakali kukonzya kusisa eco kuzwa kuli Leza nguonya oyo ngwa kabeleka, buumi bwakwe boonse, pele Leza waka muyutulula kwiinda kuli Natani musinsimi. Mwabona?

⁵⁶ Pele nekubaboobo amulange Davida cindi nakali kuzwa, katandwa kuzwa ku bantu bakwe beni, mwaami waakakwa. Mwana wakwe musimbi wakalala cakusungilizigwa a munyina, a babunyina bambi baka mujaya. Elyo ngooyu bwakabede, Abusolomu waka buka aku pambula impi, kucitya lucinco; a Davida, wisi wakwe wini, wakatandwa, waka gusigwa, waakakwa ku bantu bakwe. Kuunka kuzwa mu dolopo, mulombwana muniini wakali mulema kaya bukwela ambali awo, kamu fubaazya, a kumuswida mate. Oyo mulindizi waka somona panga lyakwe, kati, “Njo lekela mutwe wa mubwa oyo kukkala ali nguwe, kuswida mate aa mwaami wangu?”

Davida wakati, “Amu muleke alikke. Leza waka mwaambila kucita ceeco.”

⁵⁷ Kwiina kuzumbauzya, Davida ta kazi eco ncakali kucita; wakeenda kutanta Cilundu nciconya ca Olifa okuya, a kulanga ansi, kalila, mwaami waakakwa. Oko, myaka ili myaanda misyoonto kumane ceeco, Jesu Kristo waka kkala aa mulundu nguonya, i Mwana wa Davida, kalila mbuli mwaami waakakwa, nkabela baka Mu swida mate, abalo.

⁵⁸ Nywebo mwabona, zintu ezi zyoonse zyakatondezya buyo Kristo. Wa kali cibeela ca ncico. Leza tacinci. Bulenge bwakwe tabu cinci. Bube Bwakwe tabu cinci. Walo ucili Ijwi, mwabona, a Malaki 3:6 itondezya ceeco. Walo ucinka buyo ciimo Cakwe ca bukkalo abumwi. Bukkalo abukkalo, Uli jisi cibeela cipedwe ca Ijwi eco caka sinsimwa kuti ciyo citika mu mazuba amwi. Ee, mbuli bukkalo obo mbobuboola antoomwe, Leza weenda buyo mu ciimo cimbi. Mwabona, ngu Leza ciindi coonse, Ijwi, “Ijwi lyakaba mu mibili wabantu a kukkala akati kesu.”

⁵⁹ Lino mu Bahebrayo 4, tu jana kuti, Bahebrayo 4:12. Jesu waka tondezegwa cakulondoka kwiinda ku milimo Yakwe a ceeco Nca kacita, nkaambo Bahebrayo 4:12 yaamba kuti, “I Ijwi lya Leza lilabosya kwiinda cceba lya mabemba obilo. Akwalo ngu sikutweluka wa miyeeyo a makanzee aa moyo.”

⁶⁰ Eyo nje nzila Abrahamu, cindi oyu Muntu naka muswaana, a suko aa zisani Zyakwe, elyo tu jana kuti, cindi Abrahamu nakabona oyu Muntu, wa ka Mwiita ambali.

⁶¹ Bobilo babo baka selemukila mu Sodoma; cifwanikiso cibotu loko ca buzuba obuno nco tuponamo, elyo tu jana Billy Graham wasunu a bamwi mu Sodoma, kuba gusya.

⁶² Amulange mbungano yakasalwa, nekuba, lunyungu lwini lwa Abrahamu. Lota wakali mujwa, pele Abrahamu... Oyu Muntu takaselemuka, Oyo wakali kwaambaula a Abrahamu. Elyo mbuli Mbwa kakanana a Abrahamu, Wa kati, “Abrahamu.” Lino amuyeeeye, zina lyakwe wakali Abramu, mazuba masyoonto kakutanaba ceeco, alimwi mukaintu wakwe wakali Sarai, kutali Sarah.

Elyo Wa kati, “Abrahamu, ulikuli mukaintu wako, Sarah?”

Kati, “Uli mu tente, kunze Lyako.”

⁶³ Wa kati, “Ndiyo muswaya kweendelana ku ciindi ca buumi.”

Elyo Sarah, mu moyo wakwe, waa kabaanga waaseka makani ancico.

⁶⁴ “Elyo Muntu, a sule Lyakwe kalifutete ku tente,” Bbaibbele lya kati, “kati, ‘Nkaambonzi Sarah waseka?’ mu tente kunze Lyakwe.”

⁶⁵ Elyo Abrahamu wakaita Muntu oyo kuti “Elohimu.” Elohimu ngu “Umwii Sikulibeda mwini.”

⁶⁶ Lino bbala lya Chikuwa *leza* lyaamba cintu cili coonse. Alo mabala aa Chikuwa, mweelede kwaalangilila, nkaambo bajisi misyobo yoonse ya mizeezo ipilingene. Ii kaleza, eli desiki inga kali kaleza, cisamu inga caba kaleza, muntu inga waba kaleza, kufumbwa cintu kaleza, bbala lya Chikuwa *leza* lyaamba.

⁶⁷ Pele Elohimu caamba “Sikulibeda mwini.” Inga kwaba biyo... Eli desiki talili sikulibeda mwini. I muntu tali sikulibeda mwini. I musamu tauli sikulibeda mwini. Pele Elohimu ngu! Umwi sikulibeda mwini, waka yubululwa mu mibili wabantu, kaimvvi alya, kalya, kanywa mukupa uuzwa ku ng’ombe, kulya nyama, moombe, kalya cinkwa, a kwaambaula a Abrahamu. Elyo Abrahamu wakati wakali “Elohimu.”

⁶⁸ Elyo Jesu, mu Musalali Luka 17, wakati, “Mbuli mbo kwakabede mu mazuba akwa Sodoma, aboobo mbo ciya kuba cindi ku kubweeda, cindi Mwana wa muntu aku yubununwa.” Kutali Mwana wa Leza, lino; “Mwana wa muntu koyubululwa”! “Cindi Na yubununwa, kuzibisigwa ku Mbungano Yakwe, Mwana wa muntu uyo yubununwa kakutanaba buyo Mwana waka syomezegwa.”

⁶⁹ Abrahamu wakabona Leza mu ziimo zinji zyandeene, mu Mumuni, a mu zilengaano; pele mpaawa wakali Leza mu Muntu, mwana buyo waka lindila a mwana waka syomezegwa katana libonya.

⁷⁰ Jesu wakati, “Walo Mwana waka syomezegwa katana bweeda alubo, Elohimu uyo libamba Mwini (Ijwi Lyakwe) kuyubululwa mu mibili wabantu, Leza!”

“Nobaalumi, tu yanda kubona Jesu!”

⁷¹ Leza wakayubulula mbubonya mu makkalo oonse, mbo cakabede lyoonse, Wa kalisisa Mwini kunze lya mibili wabantu. Ngu Leza muli ndinywe. “Ii kaindi kaniini nkabela inyika tiika Ndi boni limbi, nekubaboobo moyo Ndi bona. Njo oba a ndinywe.” Uli akwalo muli ndiswe; Uyo oba, ku magolelo, kusikila Aka yubununwe mu ciimo cizwaku Julu.

⁷² Ijwi lya Leza lya bukkalo obu, ncinzi Nca kasyomezya bukkalo obu? Ikuti na walanga mu Bbaibbele a kubona eco caka syomezegwa ku bukkalo obu, nkabela wabona Eco kacipona

kuzwa, Ta ndikwe makani oyo waamba kuti Cili luleme na cililubide, Cili luleme nkaambo Ngu Leza kapandulula Ijwi Lyakwe Mwini.

⁷³ Ta yandikani umwi wa kwaamba, “Ee, alo mazuba akainda. Taakwe cintu cili boobo mbuli kuponesegwa kwa Buleza. Alimwi zyoonse ezyo nkwiindilizya.” Cili—cili lubide! Cindi Leza aamba kuti Uyo cicita mu bukkalo bumwi, Uyo cicita. Pele cintu ca ncico ngu, tula njila mu bweende bwakaindi bwa cintucimwi kaindi loko, cikolo cimwi cipati kuzwa kulaale, nkabela tula Ci impya.

⁷⁴ Ako nke kaambo bakaimpya Jesu cindi Na kasika. Ba kacili kusola kupona kunsi lya Mulao, cindi Bbaibbele nilya kaamba caantangalala...Mpoonya awa, Ndila Li bala, Wa kati, “Amulingule Magwalo, muli Ngawo tuyeeya kuti mujisi Buumi Butamani, alimwi Nge Ngawo alungulula Ndime. Ikuti na Magwalo ta api bumboni kuli Ndime, nkokuti ta ciluzi.” Masimpe niba kabona nakalindu kuti uyo mita! Masimpe Wa kali bwinguzi bulondokede ku Magwalo! Swebo to Banakristo tusyoma eco lino.

⁷⁵ Pele ino mbubotu nzi mbo cakalino citila Musa kuboola a buzuba bwa Nowa, mulumbe wa Nowa? Ino mbubotu nzi mbo cakalino citila Johane Mubapatizi kuboola a mulumbe wa Musa? Mwabona?

⁷⁶ Ta tujisi mulumbe wa Sankey. Ta tujisi mulumbe wa Moody. Tu jisi Mulumbe wa oora eli! Ta tujisi mulumbe wa Luther na mulumbe wa Wesley. Ba kali kabotu, pele obu mbuzuba bumbi. Eci ncisyomezyo cimbi. Obu mbukkalo bumbi bwa mbungano. “Jesu Kristo mbobuca nguwenya, sunu, amuya myaaka!” Obo mbo cigambya, obo bantu boofu mbo bakonzya kuba, mu bukkalo, pele ceede kuba munzila eyo. “Kukasaala,” mu bukkalo obu, Bbaibbele lyakati, “alimwi bayo zuzigwa kuzwa ku mulomo Wakwe,” mu Bukkalo obu bwa Mbungano ya Laodikeya. “Pele boonse Mba yanda, Ula bakoma a kutapaika.” Wa ka caamba kuti ciyooba mu nzila eyi mu Bukkalo obu bwa Mbungano ya Laodikeya.

⁷⁷ Amuyeeye, Leza ulacinca ciimo Cakwe. *En morphe*, bbala lyaci Griki lyaamba kuti Ula sama cizwato caandeene. Mbuli mu Carmen na cintucimwi, na—na Shakespeare, Uli—Uli mbuli syakacite, Ula cinca ciimo Cakwe. Boonse obo basinsimi abo mbo bakabede, oyo wakali Leza mu basinsimi abo. Jesu wakaamba boobo, “Nywebo mubaita kuti ‘tuleza,’ abo Ijwi lya Leza nkolya kasikila: elyo mpaawa Mpendi, Mwana wa Leza, mbobuti mbo Ndi pa mulandu?” Oh, ma!

⁷⁸ I cintu nciconya mbocibede sunu, ngu Leza watondezegwa mu mibili wabuntu, Mulumbe wa oora, Mumuni wa buzuba! Ta tukonzyi kuba a milumbe imbi kaindi okuya, ba kaponwa kaindi; tu pona mu kubekema kwa mumuni.

⁷⁹ Oko nkuseswa kupati, bubbi upati maningi, masi akasola kuziba, waka citwa mu England okuno kutali ciindi cilamfu cainda, kacita kwiinda ku mimuni ya bubeji. Madollar ali seveni milioni, bufumpi bwaku citima, bwaka talina kuzibwa, mu makani akale. Eco cakali cilumbo cipati, cizibyo ku bukkalo bwa zinyama mu inyika.

⁸⁰ Alimwi sikwaanzi mupati wa bubyaabi maningi mu bukkala, mu inyika njo twa kasola kuponena mo, mumuni walweeno mu oora eli ndyo tuponamo, kusola ku tujosya kunsi lya musyobo umwi wa buzumini a zintu. Cindi, tuli magwalo maumi, na, mu majwi amwi, tuli magwalo ayo ali mukupona, abo balembedwe alimwi eno kupona kuzwa ku Ijwi lya Leza, mbuli Mbwa kasyomezya mu oora; kutondezegwa kwa Ijwi, magwalo aalembedwe, ayo aakali kupona. Obo baapostolo mbo bakabede.

⁸¹ Obo Johane Mubapatizi mbwa kabede. "Wa kali jwi lya umwi woompolola mu nkanda." Wa kasola ku baambila booboo. Wa kali akwalo Malaki 3, "Amubone, Nda tuma mutumwa Wangu kumbele lya busyu Bwangu, kubamba nzila kumbele lya bantu." Wa kali Ijwi eelyo lipona.

⁸² Elyo Mbungano ini ya kazyalululwa mu oora eli ndi Ijwi lya Leza lipona. Ndi Ijwi lya bukkalo obu, lya yubululwa. Amulingule Magwalo a kubona eco ceelede kuba mu bukkalo obu. Ngooyo Kristo ulapona alubo, kucinca buyo cizwato Cakwe kuzwa kuli umwi kuya kuli umbi.

⁸³ Lino, Wa kalizibya cakumaninina mbuli Mesiya. Ba keelede ku ciziba. Tu lizi obo Mesiya mbwa keelede kuba. Wa keelede kuba Musinsimi. Obo mbo lyakaamba Bbaibbele kuti Mbwa kabede. Obo Mbwa kaamba kuti Mbwa kabede. "Mebo nde Mwana wa muntu, Ino mwaamba kuti Ndi meni nde Mwana wa muntu?" Lyoonse kulizibya Mwini mbuli bukkalo bwa Musinsimi, kulizibya Mwini mbuli Musinsimi wa Leza. Obo Mbwa kabede.

⁸⁴ Pele Wa kali kwiindilila kuba musinsimi. Wa kali Leza-Musinsimi. Obo Davida mbwa kabede, obo Musa mbwa kabede, obo Eliya mbwa kabede, obo coonse mbo cakabede, "muli Nguwe mwaka kkede buzule bwa Buleza camubili." Wa kali Leza-Musinsimi. Wa kali Leza, Jehova, wakaba mubili mu Mwana Wakwe Mwini, wakabusya Mwini cilao caku liyubulula Mwini. Boonse bamwi babo baakakilwa, ba kajisi tumpenda; pele kwiina kampenda muli Nguwe. Awalo Leza Mwini wakati, "Oyu ngo Mwana Wangu uuyandwa muli nguwe Mwe nkondelwa kukkalamo." Mbo mbubo, taakwe kampenda muli Nguwe. "Amu Mu swiilile!" Wa kayubululwa Leza.

⁸⁵ Ba kati, "Yebo ulibamba Leza Lwako, na kweelana a Leza." Mbwa kabede. Wa kali Mwana Wakwe Mwini. Amen. Wa kajisi... Wa kali luyubunuko lwa Leza. Leza wakali muli Kristo, kayanzanya inyika kuli Lwakwe.

⁸⁶ Elyo mu buzuba obu bwamamanino, Ula kanana ku bantu kwiinda mu Mwana Wakwe, Kristo Jesu, kali yubununa Mwini. Mpawo niinzi Kristo? I Ijwi. I Ijwi lya ceeco, ijwi lya Musa? Iiyi, pele sunu Walo ndi Ijwi lyakayubululwa lya buzuba obuno.

⁸⁷ Amubone obo Jesu mbwa kabede. Lino, We elede kuba Musinsimi, atu bone ikuti na Wa kajisi citondezyo ca Mesiya. Atu unke ku Musalali Johane, cipati 1, kwa maminiti atobela osanwe, kkumi, katutana jala. Musalali Johane 1, tula Mu bona kaboola aa nyika. Wa kazyalwa kuli nakalindu, eco buyo Bbaibbele ncolya kaamba. Wa kamitwa mwida lya nakalindu.

⁸⁸ Kutali kuti nakalindu wakali kaleza kanakazi lino, waa... Yebo wati, "Ino kujatikizya Mariya?" Waa kali uutalondokede. Waa kali mwanakazi, mwanakazi buyo mbuli mwanakazi uuli oonse, kutali kaleza kanakazi; mwanakazi. Muntuumwi wakati, "Sa tofwinsoni kwaamba ceeco?" Peepe, munene!

⁸⁹ Amulangilile awa. Mpaali mpa kalubizya? Baa, mpaawa waa kabamba omwe. Cindi niba kaselemukila ku pobwe lya Pentekoste, nkabela bantu bakaunka mu lweendo lwa mazuba otatwe; nkabela baka Mwi impya, bazyali Bakwe, aboobo baka jokela kuyo Mu jana. Elyo baka Mu jana mu Lugwalo, ku Ci tondezya a bapaizi mu tempele. Elyo amulangilile eco Mariya nca kaamba, nkoonya okuya kumbele lya bapaizi abo, abo basikujana butongo. Waa kati, "Bauso a Ndime twa Ku yandaula, e misozi."

⁹⁰ Pele Ijwi lyoonse lila bululamika bulubizi. Wa kali Ijwi, Mulombe wa myaka ili kkumi aibili yakukomena. Nkokuli busongo obu nkobwa kazwida?

⁹¹ Amuyeyye, mpoonya awo waa kaka bumboni bwakwe. Waa kati Leza wakali Wisi Wakwe; elyo mpaawa waa kati, "Bauso a Ndime, Josefa, ba Ku yandaula, e misozi."

⁹² Wa kati, "Sena tamuzi kuti Nde elede kucita mulimo wa Taata Wangu?" Mwabona? Mwabona? Ikuti Na kali a bawisi Bakwe, Josefa, Josefa wakali wisi Wakwe, Na kali kupanga zitendele zya mayake a zintu. Mwabona? Pele Wa kali kucita mulimo wa Taata Wakwe, kululamika Ijwi lya buzuba obo. Wa kali Ijwi. Ameni. Mwabona, Maria waka lubizya, pele kwiina bulubizi obo Mbwa kapanga. Wa kali Umwi ulondokede.

⁹³ Amubone, cindi Na kazyalwa, kaletwa, kubapatizingwa kwiinda kuli Johane, i Muuya Uusalala wakasika ali Nguwe, mu nkanda, kaindi kuzwa, mulimo Wakwe wakatalika, kuponya. Kwakali mutu wakaulikidwe kuti Simooni, elyo wa kaboola a munyina, Andreyia, ku muswaangano.

⁹⁴ Lino amuswiilile kabotu lino, tuyu jala-jala, a kubona obo Mbwa kabede kaindi. Elyo ikuti "Wa kakanana ku matata kwiinda ku basinsimi, mu mazuba aya aakumamanino kwiinda ku Mwana Wakwe," kubona buyo obo Leza mbwabede sunu, kubona ikuti na Ula lizibya nzila njiyonya.

⁹⁵ Mbobuti Mbwa kalizibya Mwini? Sena Wa kaboola kunselelo a kwaamba, “Lino Nda kainda mu cikolo. Ndi jisi Digrii lyangu taanzi lya Arti, Ph.D., LL., azimwi zimbi. Ndili libambilide ku mulimo Wangu”? Peepe, munene. Ta kacicita. Wa kanjila mu nkanda, mbuli Johane mbwa kacita, wakazwa kananikidwe a Muuya Uusalala.

⁹⁶ Amulangilile obo Mbwa kalizibya Mwini cindi Na katalika kukambauka. Kwakali muntu, Andreyo, wakali kuswiilila kuli Johane, kaunka a Jesu kuziba awo Mpa kabede, ka Mu tobela kunselelo ku muswaangano; kaleta munyina, Simooni. Kwalo Simooni mbwa kanjilila buyo mu Busyu bwa Jesu, Jesu wakati, “Zina lyako ngu Simooni, alimwi uli Mwana wa Jonasi.” Eco caka Mu zibya. Mpoonya awo zina lya Petro lyaka cincwa kuzwa kuli Simooni kuba Petro, lili ndi “bbwe liniini,” a kuba mutwe wa mbungano, kumane.

⁹⁷ Mpawo tula bona mulombwana kaimvvi alya, wa zina lya Filipo, wa kat, “Lino lindila aniini, tii twa kajisi musinsimi kwa myaka ili myaanda yone. I musinsimi utobela, tu lizi obo mbo ceelede kuba.”

⁹⁸ Aboobo mpawo wa unka kuzunguluka malundu, kutandila mamaile ali kkumi aosanwe, ikuti na wasola kuba okuya ku kweengela busena, oko nkwa kajana mweenzinyina wakali kuba azzio zya Bbaibble antoomwe. Wa kali muntu ulipede kapati, muntu mubotu wakaiya kabotu. Zina lyakwe wakali Nataniyeli. Aboobo kwiina kuzumbauzya, keenda kuya ku mulyango a kujana kuti taka luleme ku ng’anda yakwe, kwayanda wakali mukaintu wakwe wakati, “Uli mu busena bwa olifa wakwe, kubusena okuya kakomba.”

⁹⁹ Aboobo Filipo, wakayandisya loko kujatikizya nca kabona kucitwa, cizibyo cilondokede ca Deutronomo 18:15, musinsimi waka buka! Aboobo wa kaunka, kaswaana Nataniyeli, a kuti, “Nataniyeli, boola, ubone Oyo ngo twa kajana.” Ta kajisi ciindi ca kubandika bube bwaciindi a zintu. I mulumbe wakali cibukilambuta. Moyo wakwe wakali kupya. Eco cili loko kuli ndiswe lino, tu jisi zintu zimbi zinji loko zya kucita kunze lya Ceecei. Elyo cintu citaanzi mulizi, wa kat, “Boola, ubone Oyo ngo twa jana, Jesu waku Nazareta, mwana wa Josefa.”

¹⁰⁰ Atu pasaule mu mubandi wabo mbuli mbo bakeenda koonse ku nkomwe zya lwizi. Nda konzya kumvwa Filipo kat, kuli Nataniyeli, “Uli zyi oyo muzeli mudaala kunselelo okuya, uli zyi na?”

¹⁰¹ “Oh, i—i—i umwi mudaala wakafwa okuno kutali ciindi cilamfu cainda, Jonasi?”

“Peepe, peepe. Mwana wakwe, Simooni.”

¹⁰² “Iiyi, iiyi. Oh, Nda yeeya kuula nswi kuzwa kuli nguwe. Ee, ino kujatikizya nguwe? Ee, ta jisi Iwiiyo lukubwene lwa kusaina zina lyakwe mwini. Ta kakonzya kusaina risiti yangu.”

(I Bbaibbele lyakati wa kali muntu buyo a utayiide, pele bakaziba kuti wakali antoomwe a Jesu; aboobo tu jana kuti takali kukonzya akwalo kusaina risiiti.)

¹⁰³ Wa kati, “Inzya,” kati, “uli zyi cintu na? Cindi na kaboola nkoonya mu busyu bwa Muntu oyu, i Muntu taka muzi, kamwaambila kuti zina lyakwe wakali ‘Simooni, mwana wa Jonasi.’” Kati, “Sa oyo tali Mesiya? Sa oyo tali musinsimi? Sa ayo taali Deuteronomo 18, Magwalo akazulizigwa? Kutobezya buumi Bwakwe bwakaindi; kuti mbuzuba nzi mbotupona? Tu pona, kulangila oyo Mesiya uboola. Toonse swebo toba Hebrayo tuli obo. Sa embo na?”

¹⁰⁴ “Aah, lino lindila aniini,” wakaamba Nataniyeli, “Nde elede kuyo ziba.”

“Ee, ta cika ndigambya ikuti na Ta kakuzibi.”

¹⁰⁵ “Huh-uh-uh, andi cibone. Andi inke kuli umwi wa miswaangano a kucibona kacicitwa.”

¹⁰⁶ Yaa, weenda ncobeni mu muswaangano awo Jesu mpaimvvi. Wa kati, “Amubone mu Israyeli, muli nguwe mutakwe luuni!”

Wa kati, “Rabi, ndelili Ni wakandiziba?”

¹⁰⁷ Kati, “Katana kwiita Filipo, cindi noli kunsi lya cisamu, Nda kubona.” Eco cakali ncico. Eco cakali ncico.

¹⁰⁸ Ino ncinzi eco? “Jesu Kristo mbobuca nguwenya, sunu, amuya myaaka.” Mwabona, Wa kalizibya Mwini, Ijwi.

¹⁰⁹ Ino oyu sikubala wa kaamba nzi? “Rabi, Yebo uli Mwana wa Leza. Yebo nduwe Mwaami wa Israyeli.”

¹¹⁰ Pele mpaawo kwakaimvvi bamwi babo, abo bata kasyoma ceeco. Ba kati, “Oyu Muntu ngu Bezebule.”

¹¹¹ Jesu wakati, “Nda mujatila kuli ceeco, kwiita Muuya wa Leza kuti ‘ncintu citasalali,’” nkaambo mulungo tiwa kabambwa. “Pele cindi Muuya Uusalala, Walo Muuya Uusalala...” Walo ndibbala lyaamba mugame; cindi, kutali muyeeyo; Muntu! “Cindi Walo Muuya Uusalala wasika kucita cintu nciconya, bbala lyomwe lya Kuu sampaula taku kajatilwi.” Amuyeeye, Ngu mbobuca nguwenya, sunu, amuya myaaka, Ijwi lya katondezegwa lyakaba mu mibili wabantu. Mpawo tula Mu jana okuya, lino, abo bakali ba Juda.

¹¹² Kuli mikowa yotatwe biyo ya bantu. Inga twaba a lusalululo lwesu a—a kusangana, a kufumbwa nco muyanda, Ndi... takuli kuyandisya kwangu. Ndili mulanda wa Kristo, kubelekela muntu oonse. Pele, amuswilile, andi mwaambile. Amulange awa. Kwakali mu Juda, Munamasi, a mu Samaria.

¹¹³ Elyo amulangilile Makanimabotu, kaambaula kujatikizya Petro kajisi zikaluzyo. Wa kacijula aa Buzuba bwa Pentekoste, kuba Juda. Filipo waka selemuka a kubbizya ba Samaria, a kutanda madaimona, Muuya Uusalala tii wakali boolede; Petro

wakaseluka a kubikka maanza ali mbabo, baka tambula Muuya Uusalala. Elyo ku ng'anda ya Koneliyo, Bamasi baka Utambula.

¹¹⁴ Lino, Bamasi, swebo to Bamasi, swebo to Anglo-Saxoni, tii twa kali kulangila akwalo Mesiya; twa kali bahedeni, a mifunko kusule lyesu, twa kali kukomba mituni. Pele boonse mu Juda a Musamaria bakali kulangila Mesiya.

¹¹⁵ Elyo Walo uboola buyo kuli baabo ba Mu langila. Amubikke eco mu mizeeo kwiinda mu muswaangano oyu, Uyo swaana buyo abo ba Mu langila!

¹¹⁶ Kumalekelo, mpawo Walo uyanda... wakali kuunka ku Jeriko buzuba bumwi, nkabela bakali kuyandikana kwiinda ku Samaria, oko nkutala kuzunguluka malundu. Wa kaselemukila ku busena... Lino, twa ka Mu bona kalizibya Mwini mbuli Mesiya, katondezya citondezyo Cakwe ca Mesiya, nkabela baka cisanka. Aboobo Wa kayandika kwiinda ku Samaria, bakali kulangila Mesiya, akwalo. Aboobo Wa kasika ku muunzi uutegwa Sukari, ambali kutandila twelufu okuloko.

¹¹⁷ I mukalo, nko bacili, bala kkala buyo ansi munsi lya nguwo, kunze buyo lya mulyango wa dolopo. Oko, ciguju ca buleya, boonse bakasika kuzoteka maanzi abo; tacili ciguju, ba cilosya buyo kubelesya ndilayi akutka maanzi. Elyo bali jisi misumpululu mipati, amu cicite asunu. Elyo kwaambaula kujatikizya cikkelo, nobamwi banakazi beenda a mabbuku aa mutwe wako? Mweelede kubona obo banakazi mbo bakonzya kutwikka cigomo cinjila magalo osanwe, a cimwi akasolo; eelyo kabeenda, akwaambaula, aku cisitikizya kabotu cakulondoka.

¹¹⁸ Elyo kuselemuka, kutandila ileveni okuloko mu buzuba, cindi niba kasika okuya kutandila akalangabweeseme, elyo Wa katuma basikwiya mu munzi kuyo ula zyakulya.

¹¹⁹ Elyo kwakali mwanakazi mu dolopo, wa mpuwo mbi, ta kazumizigwa kuba a bamwi banakazi, aboobo waa kazwa ku mukalo kuti ajane cibeela cakwe ca maanzi. Elyo cindi nakali kutandila kulekela nongo ya maanzi, waa kalanga, kakkede ku bulambo, ku Mwaalumi oyo wakakanana kuli nguwe, kati, "Mwanakazi, ko Ndi letela aakunywa."

¹²⁰ Lino, ba kajisi lusalululo lwa mibala, ba Juda a—a Basamaria. Elyo waa ka Mu lekela kuziba, cakufwambaana ncobeni, kuti—kuti tii cakali cilengwa ku Mwaalumi wa musyobo Wakwe kulomba mwanakazi wakwe, Musamaria, lugwasyo luli loonse, nkaambo ba Juda aba Samaria teeba kajisi luyando kuli umwi aumwi, teeba kajisi zintu zikozyenye. Wa kati, "Pele ikuti nooli muzi Oyo ngo wambawida, nowa Ndi lomba aakunywa, elyo inga Nda kupa maanzi cakuti tobooli kuzooteka."

¹²¹ Ino Wa kali kucita nzi? Kukwaba muuya wa mwanakazi. Wa kali musinsimi. Elyo mubandi wakali naa beelederukombwa

mu Jerusalema na mu dundu. Wa kati, “I Taata uyandaula abo bakomba mu Muuya a Bwini.”

¹²² Elyo Wa kazumanana mane Wa kajana lyakali penzi lya mwanakazi. Wa kaselemuka ncobeni mane Wa kajana penzi lyakwe. Toonse tu lizi mbo cakabede, oyo uubala Bbaibbele, Musalali Johane 4. Ino twa kajana nzi? Waa kajisi balumi banji loko. Wa kati, “Koya kalete mulumi wako muboole okuno.”

Waa kati, “Nse jisi mulumi naba omwe.”

Wa kati, “Yebo waamba bwini, nkambo wali kujisi bosanwe.”

¹²³ Amulange lwandaano ku mwanakazi oyo muniini a bapaizi abo mu buzuba obo. Waa kati, “Munene, Nda kuziba kuti Uli musinsimi. Lino tii twa kajisi omwe kwa myaka ili myaanda yone. Nda kuziba kuti Uli musinsimi. Tu lizi cindi Mesiya aboola, eci nce cintu Nca yoocita.” Sa mbo mbubo? “Uyo tutondezya zintu ezi. Uyo twaambila eci.”

Wa kati, “Nde Ndime, oyo ukanaana a nduwe.”

¹²⁴ Muntu buyo uzizilwe kakkede awo, myaka buyo iili makumi otatwe yakukomena; antela bakalanga bali makumi osanwe, nkaambo ba zwaa kwaamba, mu Musalali Johane 6, “Uli Muntu utaiinda ku myaka ili makumi osanwe yakukomena, a kwaamba kuti Wa kamubona Abrahamu, lino tu lizi kuti Ujisi dyabulosi.”

Pele Wa kati, “Katanaba Abrahamu, NDIME.”

¹²⁵ Elyo, inzya, ngooyo Mbwa kabede, mulombwana buyo mukubusyi, antela aamvwi aniini mu cilezu cakwe, mulimo Wakwe; Mubili wakwe wa muntunsi wakali abutyole, “kwiina bweebesi mbo tweede ku Mu yandila,” cikutu cakale camugutu alubo; pele eco cakali mukati kanjiyo wakali Shekina, eco cakali mukati kanjiyo wakali Leza. Leza! Ino cakali cinzi? Ngooyo Wa kalizibya, Ijwi lya Leza, mukuziba maseseke aa moyo wabo. Mwabona, eelyo lyakali Ijwi lya Leza. Wa kali Ijwi lya Leza.

¹²⁶ Elyo Ijwi lya Leza li cicita eco, nkaambo Ngu mbobuca nguwenya, sunu, amuya myaaka. Mula cijana, amu cijane mu kuyeeya kwanu lino? Amubone, “mbobuca nguwenya, sunu, amuya myaaka.”

¹²⁷ Waa kazuzila mu muunzi, a kuti, “Amuboole, mubone Muntu wandaambila eco Nce kacita. Sa Oyu tali nguwenya Mesiya?”

¹²⁸ Ikuti na eco cakali citondezyo ca Mesiya, ku mu Juda a ku i...a ku i—i mu Samaria; alimwi Ta lemeki ciwa ca muntu, mbobuca nguwenya, sunu, amuya myaaka; nkabela ayo akali magolelo, cindi Leza nakaima kubeleka aba Juda aba Samariya. Elyo aya mamanino aa bubanze bwa Bamasi, cindi Aku boola kwiinda muli basilubambululo abamwi bambi, ku mamanino, a kusyomezya, “Mbuli mbo kwakabede mu mazuba akwa Abrahamu, mbubonya mbo ciya kuba cindi Mwana wa

muntu ano yubununwa kuli Bamasi mu buzuba bwamamanino.” Uyo bweeda alubo.

¹²⁹ Kunji loko inga kwaambwa awa, pele andi binde lino nkaambo ngu—ngu naini okuloko, kwainda kaindi kaniini. Tuyo zwa aa naini theeti, na Mwami wayanda.

¹³⁰ Amubone, musinsimi wa kaamba, kuya muli Zekariya 14:6, “Ku yooba buzuba obo butakaitwi kuti isikati nanka masiku, pele buyooba buzuba bwa kusiyasiya; pele ku ciindi caku mangolezya, kuyooba Mumuni.” Lino amulangilile, cakufwambaana. Taakwe Lugwalo lukonzya kususigwa. Loonse lweelede kuzulila.

¹³¹ Lino mbobuti zuba mboli pasuka? Mpaali mpo lipasuka? Kujwe. Mpaali mpo libambidwe ali? Kumbo. Lusumpuko lweenda antoomwe a zuba, elyo mbubonya Makani mabotu mbwaacita. Mwa cimvwa? Lino twa jokela nkoonya ku Nkomwe ya Kumbo lino alubo. Ikuti na twa unka ambele, twa jokela nkoonya Kujwe alubo, kuabuka Pacific ncobeni kuya Kujwe alubo; taakwe cilimo omuya, mwabona. Lino lusumpuko lweenda antoomwe a zuba.

¹³² I Makanimabotu akazabuka meenda. Aka zwa—zwa ku Mediterranean, akuzabuka mukati, kuzwa ku Musalali Paulo, kuya ku Germany; kuzwa ku Germany, ya kazabuka mapolelo aa Chikuwa, kuya ku England; kuzwa ku England, aka zabyuka mu Atalntic, kuyaku United States, alimwi lino ajoka ku Pacific.

¹³³ Amulangilile, zuba ndilyonya eelyo lizwa Kujwe ndi zuba ndilyonya libbila Kumbo, k-u-n. Elyo nguonya Muuya Uusalala waka wida aa Buzuba bwa Pentekoste, Kujwe... Lino bwa kali buzuba inga tee bwa kaitwa kuti buzuba, ngu kusiyasiya, buzuba busiyasiya, mvula maningi; mula cibona awa mu Kansas, mvula maningi, kusiyasiya. Twa kajisi mumuni munji wa—wa kusangana mbungano, a kucita zintu ezi, mumuni munji wakuboola koonse mukati, pele Wa kat, “Ku ciindi caku mangolezya, kuyooba Mumuni, Mwana uyo bweeda alubo.” Elyo Muuya Uusalala kau bweeda mu mazuba aya akumamanino a buzule alubo bwa nguzu zya Leza, i Ijwi kali yubululwa! Kwiinda muli ba Lutherani...

¹³⁴ Elyo mbuli buyo ii—mbuli piramidi kaikomena. I Lutherani, lubambululo lutaanzi; Wesley; Pentekoste; elyo lino muku sumpulwa moonya mukati. Nkambo, cindi Bbwe lyakumpela lya jokela ku piramidi, liyo elela kweelela mbuli limwi lya ndilyo. To konzyi akwalo kwiinzya cifulo akati ka ncico, cili londokede loko. Elyo mbubonya mulimo mu mazuba akumamanino, uyo tandila kukozyanya loko.

¹³⁵ Mbuli janza lyako—lyako mukuba kasimpe, alimwi i—i cimvule ca janza lyako mukuba cikozyanyo; mbuli mbobaba, kwainda kaindi, bakaba bomwe. Baba booboo. Elyo nje nzila Mbungano mbo yaba, Nabwiinga waba kuli Kristo, baba bomwe,

mbuli mwaalumi a mukaintu uli oonse. Mwabona? Walo uboola nkoonya ku mazuba akumamanino, alimwi tu soleka kupona mu kubekema kwa buzuba bumbi? Ngu mbobuca nguwenya, sunu, amuya myaaka, ku Mu zibya cakulondoka a Bahebrayo 13:8, "Jesu Kristo mbobuca nguwenya, sunu, amuya myaaka."

¹³⁶ Ikuti ni twa kapona kaindi mu bukkalo bwa Luther, tu langa nkoonya kaindi awa mu bukkalo obo—mu bukkalo obo, tula bona ncobeni, mu bukkalo obo bwa Sarde, kuti Luther wakali mutumwa oyo, mbubonya buyo, a mbizi eyo yakazwa, a cimwi canjila mu bukkalo obo.

¹³⁷ Tu jana bukkalo bwa Wesley, bukkalo bwa Filadefia. Tu jana kuti bukkalo upati bwa lubukulusyo obo bwakayutuka, luyandisyo lwabunyina, tu jana Wesley mbubonya mu busena awo Bbaibbele mpo lya kaamba kuti mbwa kabede.

¹³⁸ Tula cijana sunu awo Mpa kaamba kuti Mbwa kabede. Ndi oora, ciindi nco tupona.

¹³⁹ Amuswiilile, abo Bagriki baakakilwa ku Mu bona. Nkaambonzi? "Nobaalumi, tu yanda kubona Jesu." Ba kakakilwa ku Mu bona nkaambo Wa kasamide mu tempele Lyakwe lyabuntu, Leza mu muntu. Mubili wabuntunsi ngo wakabaofwaazya. Tiiba kakonzya kumvwisy. "Yebo, mukuba muntu, kolibamba Lwako kuba Leza, na kweelana a Leza."

¹⁴⁰ Wa kati, "Ee, ikuti na wakonzya kubaita ku mulao, nkabela taakwe Magwalo akonzya kususigwa, mula baita kuti 'tuleza,' mbo bakabede, abo Ijwi lya Leza nkolya kasikila."

¹⁴¹ Mpawo, Walo mbuzule bwa Ijwi eelyo, Ijwi eelyo lyakali lya buzuba obo, Mwana wa Leza, Munununi; cindi Leza, Mwini, Wa kaboola aa nyika a kukkala mu Muntu, kuti abweze lufu ali Lwakwe, kunununa boonse, oyo Musamu kuzwa mu muunda wa Edeni, kutali mwanakazi; i Muntu, Adamu wabili oyo wakafwa a kunjila mu bulongo, ku kuleta cintu eco, ameni, alo matu akawida kaindi eelyo, ku kubaleta mu bubuke. Nkunji buti kukonzya kwaambwa kujatikizya ceeco, inga kwa tutolela maora!

¹⁴² Pele tuli waano ku kasena lino. I Bamasi ba buzuba obo baka kakilwa ku Ci bona, nkaambo Ca kali mu mubili wabantu. Nda libuzya ikuti na tuyu cita cintu nciconya. Nda libuzya ikuti na tuyu lubizya kuusa nko bakacita, kukakilwa ku Mu ziba? Nkaambo, Mbwa kabede, Walo Ijwi lya bukkalo obo, lya kalizibya mu mubili wabantu. Ii Mulombe wata kajisi lwiiyo, cakuti tii twa ka Mu ziba kuya ku cikolo. Tii twa kajisi zyelelo Wa kazwa akwalo mu kabunga kali koonse ka buzuba obo; taakwe lwiiyo. Taakwe mpuwo ya cintu, pele, "Ii Muntu unyongene, sikunywa waini, mweenzuma wa basizibi, Muntu upindamuna inyika; bana bamusokwe, banyina bakamita kwinda kuli silumamba, a kubweza zina Lyakwe mbuli Mwana

wa Leza, na kuliita Mwini kuba musinsimi, oyu muna Galilaya, uutegwa musinsimi.”

¹⁴³ Pele Ijwi lyaka yubululwa! “Boonse baka Mu tambula, kuli mbabo Wa kapa nguzu zyakuba bana ba Leza.” Elyo mbocibede asunu, cindi twa bona oyu mulimo mupati wa Muuya Uusalala kautondezegwa. “Boonse baka Mu tambula, kuli mbabo Wa kapa nguzu zyakuba bana balombe abasimbi iba Leza.” Jesu Kristo waka zibya mbubonya, kwiinda ku Ijwi Lyakwe, mu nzyalani zyoonse.

Atu kotamike mitwe yesu.

¹⁴⁴ Beenzuma Banakristo, Ndi yanda ku mubuzya, atwi ime buyo a kuyeeya asyoonto buyo. Sa obu Mbwini na mbo bulubizi? Embo na? Ikuti na bwalo Mbwini, tu jisi nkongole ya zintuzyonse kuli mbubo. Nkokuli nko tuyu? Kuli kwiima kwa ceeci? Mbobuti mbo konzya kuba masimpe kuti uli luleme? Lino, “ku matalikilo, Wa kali Ijwi,” nkabela Ijwi lila tweluka muyeeyo uli mu moyo. Ca kacita kwiinda mu basinsimi, Ca kacita kwiinda muli Kristo, alimwi Wa kacisyomezya ku mazuba akumamanino, nkambo Ngu mbobuca nguwenya, sunu, amuya myaaka.

¹⁴⁵ Taata Wakujulu, bweza Ijwi Lyako, ko Li bikka mu moyo wa muntu, kuti ba... bantu boonse antoomwe, sunumasiku, nkamu eyi niini ya bantu kumasena okuno. Tula mvwisya, Mwami, kuti tu—tu pona mu zimvule zya Kuboola Kwakwe, elyo zimvule zyeede kuba masimpe loko, mwaka a mwaka. Tula bona zitondezyo kazili bonya, kuboneka kuyoosya. Tula bona mu mitende a mu ma magazini. I mweezi uli mukunyona ku bulowa. Tula imvwa mizunzumoyanyika koonse ku inyika, kakwasaula inyika mbiizulwa.

¹⁴⁶ Elyo, lino, buzuba bumwi caka zungaanya nyika yoonse, cindi Mwana wa Leza naka nyonwa camulao a kubambulwa. Elyo lino tu jana kuti nkamu mpati, iitegwa Kkanso Yanyika iya Mambungano, baka Mu tanda camulao, mbuli mbo bakaamba mu (obu) Bukkalo bwa Laodikeya, “Wa kali aanze lya mbungano, kakonkomona aa mulyango, kusola kujokela mukati.” Elyo lino tu jana kuti kwakali muzuzumo wanyika uumbi oyo wakaumina obu, kutali masi aambi, cisi eci, kazungaanya nyika yoonse; Jesu wakasanduka camulao. Elyo Uli imvwi kukombelela, sunumasiku, kulizibya cakumaninina, mbobuca nguwenya, sunu, amuya myaaka.

¹⁴⁷ Akube kuti basyomi ba cibone. Akube kuti abo bacisidwe ba cibone, Mwami. Akube kuti abo okuno sunumasiku bakonzya kuguma cikobela Cakwe, mbuli mbo bakacita mu mazuba akainda. Koponya balwazi, a kufutula basweekede, twa lomba mu Zina lya Jesu Kristo. Ameni.

Leza amu longezye.

¹⁴⁸ Lino asyoonto buyo ku mundando wa mipailo. Tu jisi maminiti eni ali kkumi aosanwe, kuzwa aciindi. Lino koonse

Nkwe konzya kwaamba, Ndili muntu, majwi angu akonzya buyo kukakilwa mbuli muntu uli oonse, toonse swobo. Nda tondezya kuli ndinywe sunumasiku, kuti musinsimi aumwi, zintuzyonse zimbi, baka lubizya kwabo. Pele Leza tacinci. Ijwi Lyakwe Mbwini. Mbangaye basyoma kuti Walo ndi Ijwi? [Mbunga yaamba, “Ameni.”—Mul.] Leza amu longezye. Awo mpempawo lusyomo lwangu mpo luyakidwe, taakwe cisyoonto kwiinda Bulowa bwa Jesu; alimwi, mbubo, Jesu ndi Ijwi.

¹⁴⁹ Lino Nda syoma Billy waamba . . . Sena wavozya makkaadi aa mipailo? Sa—sa kuli makkaadi aa mipailo avozegwa? Nse kazi. Wa—wa kati, lutaanzi, kuti ta kayeeya kuti bakasika a kuvozya cimwi. Pele ikuti na bavozya makkaadi aa mipailo, tuyu langanya mundando muniini wa mipailo.

¹⁵⁰ Muntuumwi, sa kuli kkadi lya mupailo umwi awa? Atu bone oyo ujisi kkadi lya mupailo umwi. Iiyi, uli jisi lyomwe? Peepe. Kkaadi lya mupailo namba wani, nguni uli jisi? Sa kuli kkadi lya mupailo namba wani? Ee, ambweni ta vozya kuzwa kuli lyomwe. Mbangaye . . . ? Huh? [Muntu umwi waamba, “Ngooyu umwi.”—Mul.] Oh, sa nkwalii? Inzya. Yaa, mweelwe wa kkaadi lya mupailo namba wani, boola atala awa a kwiimikila awa kuli ndime, kkaadi lya mupailo namba wani.

¹⁵¹ Namba tuu, nguni ujisi lyabili? Namba thrii. Kwa maminiti buyo masyoonto lino, tu . . . namba thrii, nguni ujisi kkaadi lya mipailo namba thrii? Amulange, kuli muntu awa a cibwezeloo, muntuumwi ulangilila kkadi lyakwe, ikuti na ujisi limwi. Namba thrii. Namba foo, foo, nguni ujisi kkadi lya mupailo namba foo?

¹⁵² Nka kkaadi liniini. Mwana wangu na umwi wa nkamu uyo seluka a kubweza aya makkadi, kumbele lyako, a kwaasanganya oonse, elyo mpawo bala zivozya kuli ndinywe. Elyo mpawo cindi Nda . . . Mpawo eco citondezya . . . Twa kajisi bantu ciindi cimwi kusola kusambala makkaadi aa mipailo, elyo nke kaambo bala lizibya mu nzila eyo, kuti tamu konzyi—tamu konzyi kubasambala; nkaambo ta konzyi, tozyi oyo uboola kutala okuya. Cindi Nda boola okuno, Nse taliki kuzwa ku mweelwe umwi. Ndi talikila buyo kuzwa kuli koonse. Kwiinda mu mvwiki eyi, muyo bona, Njo cita mubumbi, koonse akoonse, alimwi aatala aansi, kubweza makkadi aya aa mipailo, mwabona. Elyo aboobo nzila eyo tu cita ceeco, kutegwa twaabme kuti bantubonse mu buzuba abumwi, kuvozya makkaadi, kutegwa bantu abuzuba kaba konzya kuba aciindi cakusika.

¹⁵³ Wani, tuu, thrii, foo, faivi. Ndiyo baita omwe ku ciindi, nkaambo Nse yandi muntuumwi kuba musinkematwi elyo mpawo ba lati, “Baa, taakwe muntu wa ndaambil,” nywebo mwabona, nkabela bakaimpya busena bwabo mu mundando wa mipailo. Elyo antela, a kkadi lya mupailo, niba taka bapa limbi, mwabona.

¹⁵⁴ Mweelwe wa kkaadi lya mupailo wasanu, nguni uli jisi? Litaanzi, lyabili, lyatatu, lyane, lyasanu. Kkaadi lya mupailo lyasanu? Eco cili kabotu. Ikuti na uli masimpe kuti uli jisi bosanwe, nyamuka alya. Eco cili kabotu. Namba sikisi? [Kabeela katakweccintu aa teepu—Mul.] Ileveni, kkaadi lya mupailo ileveni. Wani, tuu, thrii, foo, faivi, sikisi, seveni, eiti, naini, kkaadi lya mupailo teeni, a ileveni.

¹⁵⁵ Amulange lino, inga waba muntuumwi musinkematwi. Amulange kkaadi lya simukobo nyokwe. Koonse kuzunguluka, Ndi yeeyela kuti baasanganya oonse kumaninina awa. Yaa. Mbangaye bali kokuya, Roy? Koabala a kubona. Ileveni? Twelufu, theetini, footini, fifitiini. Wani, tuu, thrii, foo... Fifitiini. Yaa. Atwi ime mpoonya awo aniini buyo, nkaambo ta tujisi ciindi cinji.

¹⁵⁶ Lino mbangaye bata jisi kkadi lya mupailo alimwi mula syoma kuti Leza uyo kuponya, tambika janza lyako. Leza aku longezye. Mbo mbubo, koba a lusyomo olo. Lino amuyeeye, beenzuma, kuciindi noba libambilu mundando wa mipailo, lino, muta—muta—muta endeendi konse lino, kwa maminiti buyo atobela ali kkumi na kkumi aosanwe, mane twa libambilu, nkaambo, mwabona, uli muuya.

¹⁵⁷ Ndi yanda ku mubuzya cintucimwi. Nda kati, a kubala kuzwa mu Lugwalo, kuti Ngu mbobuca nguwenya, sunu, amuya myaaka. Elyo aniini buyo, tana cicitide, kumutondezya kuti We elede kujana cintu eci nciconya alubo mu mazuba aakumamanino. Mbangaye basyoma boobo? Malaki 4 a yoonse yayo yeelede kubweeda ncobeni alubo, Nguwe alubo wakaseluka a kulizibya Mwini mu Mulumbe wa businsimi, ku sandula myoyo ya bana kujokela ku Lusyomo, Lusyomo lwa Pentekoste, lwa buapostolo ilwa matata. Obo mbombubo mbo ceelede kucitwa. Kutali kansiyansiya kamwi; pele kujoka ku Lusyomo lutaanzi. Lino tula syoma obo a moyo wesu oonse.

¹⁵⁸ Lino bamwi banu okuya abo bata jisi makkaadi aa mipailo. Lino, amuyeeye, Ndili mulanda Wakwe alimwi uli mulanda Wakwe, Leza muli ndime a Leza muli nduwe. Uli mu kubula, alimwi mebo okuno ku kubelekela, kuleta eco antoomwe a kucibamba Leza.

¹⁵⁹ Lino, mwanakazi muniini, ciindi cimwi. Andi mupe Lugwalo lumbi, Nda syoma luli mu Musalali Johane, akwalo. Kwakali mwanakazi muniini oyo, wakali, waa kajisi penzi lya kuzwa bulowa. Atwaambe kuti taka jisi kkadi lya mupailo, nkabela waa kali kuyanda kukombelwa. Pele kwakali banji loko kabaimvwi alya, tiiba kakonzya kunjila mu mundando. Aboobo waa kati, "Ikuti na Nda konzya buyo kuguma cikobela Cakwe, Ndiyo oba kabotu." Mbangaye bayeeya kaano? Baa, masimpe. Elyo ncinzinca kacita? Waa katonta kwiinda mu nkamu eyo ya bantu a kuguma cikobela Cakwe.

¹⁶⁰ Lino, zikobela zyabana Palestine zila lengelela cakukwekwela, alimwi ziji si cikobela ca kunsi, acalo, nkaambo lusuko aa mitabi, nywebo mulizi, aboobo cili ii... cila lengelela cakwaanguluka. Lino inga waguma bbaki lya muntu, nkabela inga ta limvwa, moombe buyo wa bbaki lyakwe. Pele mbuti kujatikizya cikobela, cipati, cipati loko ca Palestine, ci lengelezya ansi kuzunguluka matende Akwe, mwabona? Ta kalimvwa eco, cakunyama.

¹⁶¹ Pele waa kaguma cikobela Cakwe nkabela waa kajokela mu nkamu ya bantu. Atwaambe kuti waa kakkala acuuno. Kwayanda wakaima, pele kwaamba kuti waa kakkala acuuno. Ncini cakacitika? Jesu wakaima a kuti, "Nguni wa Ndi guma?"

¹⁶² Elyo, nywebo mulizi, Muapostolo Petro wakayeyea kuti cakali cisesyo loko, kusikila bantu... Baa, wa ka Mu tapatila nkambo ka ncico. Mu majwi amwi, kwayanda wakati, "Baa, langa, bantubonse bali muku Ku guma. Bayo yeeya eci, 'Uli lubide mu kuyeeya.' Mwabona? Baa, bantubonse basola ku Kwaampa, Rabi."

¹⁶³ Wa kati, "Pele Nda mvwa kuti Nda kompama. Bubotu," ezyo ni nguzu, "zyazwa kuli Ndime."

¹⁶⁴ Oyo mwanakazi muniini lino wakaleta nsana kuzwa kuli Nguwe. Wa kavuulukila elyo Wa kajana awo mpa kabede, elyo Wa kamwaambila penzi lyakwe a ceeco cakacitika. I Bbaibbele lya kaamba kuti, "Walo lino Mupaizi Mupati ukonzya kugumwa kwiinda kukulimvwa kwa kulengauka kwesu." Sa mbo mbubo? Lino ikuti na ujisi lusyomo olo ndulonya muli oyo Jesu nguonya, luyo kucitila cintu nciconya.

¹⁶⁵ Lino amubatame maningi. Amukombe. Muta zumbauzyi. Kosyoma a moyo wako oonse kuti Jesu Kristo ngu mbobuca nguwenya, sunu, amuya myaaka, nkabela Uyo mupa zilongezyo ezi.

¹⁶⁶ Lino, Taata, lekela Muuya Uusalala Wako mupati utu yubunune Ijwi lya kalizibya mu mubili wabuntu, mubili wabo a mubili wangu. Elyo akube kuti Ijwi a cisyomezyo ca Makanimabotu sunumasiku, ayo aka kambaukwa, kupandululwa ku Muuya Uusalala Mwini, nkambo Wa kasyomezya kuti Uyo oba a ndiswe. Elyo Ngu mbobuca nguwenya, sunu, amuya myaaka. Mu Zina lya Jesu Kristo, twa lipa kuli Nduwe, a Mulumbe, kuti Ukonzye kusimpikizya Ijwi a zitondezyo kazitobela, mbuli Mbo kacita kweendelana kuli Marko 16. Ameni.

¹⁶⁷ Lino nyoonse amuli lemeke kabotu. Akaka muta puti. Kkala zii ncobeni, mwabona. Lino, amuyeeye, ziindizimwi twa boola mu kuzwangana. Mbangaye bali muno abo Banakristo bakazyalululwa, atu bone maanza anu. Ee, eco cili kabotu, mpawo ulizi eco nce Ndili mukwaambaula.

¹⁶⁸ Lino, sa oyu, oyu mulindu? Oyu ngo mulindu mutaanzi mu mundando. Yaa. Lino, oyu mulindu a Ndime, kuciimo mbuli Mbwe zyi, mbeenzu, cifwanikiso cibotu loko ca Musalali Johane, cipati 4. Jesu waka swaana mwanakazi ku mukalo wa Samariya, buboneki bukkwene mbuli boobu, ciindi citaanzi niba kasola kuswaangana mu buumi. Elyo kuciimo mbuli Mbwe zyi, eci nciindi citaanzi nco twa swaana. Tuli beenzu kuli umwi aumwi. Ikuti na mbo mbubo, kutegwa buyo bantu babone kuti mbwini, tambika buyo janza lyako. Aboobo mwabona, eci ndiswe, ciindi citaanzi.

¹⁶⁹ Lino ikuti na Ngu mbobuca nguwenya, sunu, amuya myaaka, lino ku kanana a mwanakazi, nzila Mbwa kacita ku mwanakazi ku mukalo, inga uyoziba cintucimwi eco nca kacita, na cintucimwi eco cilubide kuli nguwe, na cintucimwi aa i... cintucimwi eco Nce tazi, alimwi inga ca ciyubununa kuli nguwe. Kwalo, Nse na mubona, Ndili buyo...ciindi citaanzi Ne kasola kuba mu dolopo eli. Elyo Ndili waano buyo, walo mweenzu. Lino sa inga cabamba Jesu Kristo kuba mbobuca nguwenya, sunu, amuya myaaka? Sa inga cabamba Ijwi kuba sikutweluka wa miyeeyo ili mu moyo? Mwabona? Mwabona? Inga ca Mu bamba kuba mbobuca nguwenya . . .

¹⁷⁰ Elyo ngaaya maanza angu, a Bbaibbele lyangu, Nseno mubwene mwanakazi mu buumi bwangu. Leza ulizi obo. Walo mwanakazi buyo wiimvwi alya. Ndi—Ndi zyi buyo kujatikizya nguwe kwiinda mweenzu kutala okuya uli omuno, kuli nguwe. Obo mbwini, alimwi ulizi obo.

¹⁷¹ Nse muzi; pele Uli zyi. Elyo Walo ndi Ijwi, alimwi Ijwi lila yubununa maseseke aa moyo, lilaamba zintu, bulubizi, bula mwaambila cintucimwi. Ikuti na wakacita cintu cili coonse cilubide, kutali kulyambilila kunsi lya Bulowa, Uyo mwaambila kujatikizya ncico. Ikuti na musyomi sikuilicengeezya, Uyo mwaambila kujatikizya ncico. Ikuti na musyomi, Uyo mwaambila kujatikizya ncico. Ikuti na kuli cintu cilubide kunyama, ku mwaambila kujatikizya ncico. Ikuti na ncintucimwi ca cintucimwi cimbi, Uyo mwaambila kujatikizya ncico. Ula konzya kucita zyoonse ezyo, nkaambo Ngu Leza. Uli zyi zintu zyoonse. Ta ndizi; ta ndizi pe alimwi Nse muzi pe. Lino ikuti na Wa yubununa eco mu nzila eyo, nywebo mulizi kuti cicili Ijwi, Bahebrayo 4:12, "I Ijwi lya Leza lila yubununa maseseke ayo ali mu moyo, alizi ciimo."

¹⁷² Lino ikuti na Leza uyo—uyo yubununa eci kuli ndiswe sunumasiku, mucizi, mbuli nduwe a Ndime twaima awa antoomwe, mpawo inga wa—inga waziba kuti inga taaba ndime. Inga weelela kuba Nguwe. Lino Ndi yanda buyo kwaambaula kuli ndinywe kwa kaindi kaniini, nkaambo kwaambaula mu Ijwi mbuli boobu, baa, Ndila kambauka, nywebo mwabona, elyo mpawo Nda jokela. Ndi kanana buyo kuli nduwe mbuli Mbwa kacita ku mwanakazi ku mukalo, kubweza mubandi a ngewe

kusikila Wa kajana lyakali penzi lyakwe. Lino ikuti na Leza uyo yubununa kuli ndime penzi lyako mbolibede, ee, uyo ziba naa mbwini na pe.

¹⁷³ Elyo sa nyoonse mula syoma? Kufumbwa muttu kubusena kuya ulizi mwanakazi? Tambika janza lyako ikuti na kuli bantu bamwi... Oh, iiyi, bantu banji bali muysi. Inzya. Yaa.

¹⁷⁴ Lino akube kuti Mwami Jesu ape ceeci, mwabona. Eelyo inga tee lyaba biyo Ijwi lyaka kambaukwa, inga lyaba Ijwi lyaba mu mubili wabantu, kwaamba antangalala, kuyubununa. Lino Bbaibbele ta lyaambi kuti muya kwiimikila awa, a ceeco cilubide kuli ndinywe, a koonse kujatikizya ncico, a ceeco ncoli waano, na eco nco kacita. Ta lyaambi ceeco. Pele Ijwi lyaseluka, eelyo lizibya mukanazi, mwabona, kuti, Ijwi lya Leza. Mpawo Mulumbe ngwa bwini, mpawo Leza uli mukuzibya Mulumbe kuba Bwini. I lubbizyo lwa Muuya Uusalala a Makanimabotu azwide eelede kuba Bwini mpawo, ikuti na calizibya kabotu.

¹⁷⁵ Cintu comwe, uli mukulibilika koonse, kulibilika loko. Uli nyongene kujatikizya cintucimwi. Mbo mbubo. Ula pengaana. Wa kajisi eci kwa ciindi cimwi. Elyo mbo cibede, cilwazi ku kuboko kwako. Cili ku kuboko kwako kwalulyo. Yebo ulibilika kuti ndi kkulenge. Cila kupenzya koonse. Olo lubazu lwalulyo lwamana cakumaninina. Ula penzegwa mwida lyako, ku kubamba kuciswa. Ikuti na obo mbwini, tambika janza lyako. Uta yoowi, kosyoma buyo nkabela Uyo kubamba kuba kabotu. Sena ula cisyoma? [I mucizi waamba, “Ameni.”—Mul.] Ncibotu, koya bulumba Leza nkambo ka ncico, a kuba kabotu. I Mwami amu longezye. Ndi yanda buyo kubikka maanza ali ndinywe.

¹⁷⁶ Sena mula syoma kuti Ngu mbobuca nguwenya, sunu, amuya myaaka?

¹⁷⁷ Lino nceeci cifwanikiso alubo, mwaalumi mukuwa, mwanakazi uusiya. Jesu amu Juda, walo mu Samaria; mwabona, Wa kabalekela kuziba kuti kwiina lwandaano mu mukowa wabantu. Leza wakafwida ndiswe toonse. Mbo mbubo. Ngu... “Leza wakapanga bulowa bomwe, masi oonse” I cisi twa kakomezegwa, kucinca mubala wesu, takukwe cintu cakucita aceeco cili mukati kesu. Inzya, mbo mbubo.

¹⁷⁸ Lino uli Munakristo. Cakufwambaana inga Nda mvwa kulimvwa kwa kutambulwa, kuti uli Munakristo. Oyo muuya wako. Eco inga caba buyo mbuli Mbwa kaamba, “Amubone mu Israyeli, muli nguwe mutakwe luuni.”

¹⁷⁹ Lino, Nda bona wali cisidwe loko. Ii kulangwalangwa kula tondezya kuti ujisi kkulenge. Mbo mbubo. Elyo kkulenge eelyo, sena ula syoma kuti inga Wa ndaambila mpo libede? Kweendelena ku myweelwe ya makani, eelyo kkulenge lili mu tunyama. Ikuti na mbo mbubo, tambika janza lyako. Lino ulizi kuti Cintucimwi ciliimvwi awa cili kuzi. Sena ula syoma kuti Uyo kubamba kuba kabotu? Ikuti na lusyomo lwako inga lwa

Mukwela okuya, kuguma cikobela Cakwe a kuyubununa cintu nciconya Nca kacita kaindi, mpawo koya ko Mu syoma nkabela uyooba kabotu kuli ceeco, a kuba kabotu. Ikuti na uyo cisyoma, kosyoma buyo, mucizi oyo mubombe buyo, ku syoma buyo. Uta zumbauzyi.

¹⁸⁰ Ndi yeeyela kuti tuli beenzu, aswebo, kuli umwi aumwi? Ta tuzibene umwi aumwi. Leza uli tuzi tobile. Sena ula syoma kuti Leza inga wandi yubunwida penzi lyako? Sena ula syoma kuti inga Wa yubununa kuli ndime penzi lya muntu uuli oonse kubusena kuya? Ula cisyoma?

¹⁸¹ Mbangaye kubusena okuya ba cisyoma?

¹⁸² Ino ueyea nzi kujatikizya ncico? Sena ula syoma a moyo wako oonse? Mpawo mabwe aanu aa mululwe taka cimupenzyi limbi. Nda—Nda kakumvwa kakuboola, Nda “kali kubala mizeezo ya bantu,” Nda kali kuyanda buyo kuti mubone kuteeti Nse kali kucicita.

¹⁸³ Ncibotu, ula ndisyoma kuba mulanda Wakwe? [Mucizi waamba, “Nda syoma.”—Mul.] A moyo wako oonse? [“A moyo wangu oonse.”] Ndaku lumba. Uli Munakristo. [“Ndime.”] Iiyi, uli, alimwi kutali sikulomba kutanta myootokala; Munakristo wini, nkabela wazyalululwa. Yaa. Sena ula syoma kuti—kuti Mebo, mukuba munyoko, nsezi cintu kujatikizya nduwe; pele Taata wesu Wakujulu, Oyo utuzi toonse, konzya kuyubununa kuli ndime penzi lyako mbolibede? [“Nda cita.”]

¹⁸⁴ Nda bona kuti waka jisi kunji kwa nkuko. Wa kajisi kupandulwa, nkabela kupandulwa kwa kkulenge. Wa kagusya kaango, mbo mbubo, nkabela uci penzegwa a nkako. Ula syoma kuti uyooba kabotu kuzwida lino? Koinda nkoonya okuno, kosyoma a moyo wako oonse. Elyo Leza aku longezye, akube kuti Mwami Leza akuponye. Akube . . .

¹⁸⁵ Koba a lusyomo. Uta zumbauzyi. Kosyoma buyo a moyo wako oonse kuti Ngu mbobuca nguwenya, sunu, amuya myaaka.

¹⁸⁶ Lino sena ula syoma, mulindu? Tuli beenzu kuli umwi aumwi. Nse kuzi. To ndizi pe. Tuli beenzu ncobeni. Pele Taata Wakujulu inga wandi yubunwida cintucimwi cilubide, cintucimwi eco nco kacita, cintucimwi eco ncota keelede kucita, na ceelede kucitwa a kutacita, kufumbwa mbo cibede, kufumbwa mbo cinga caba, moyo syoma kuti Ngu mbobuca nguwenya, sunu, amuya myaaka. Nywebo mulizi kuti inga kweelede kuba Nguwe unga wacicita. Sa mbo mbubo?

¹⁸⁷ Ula penzegwa a ii—ii—ii cikoto, nkabela eco cikoto cili ku mutwe. Uli yoowede. Mbubo. Ula syoma kuti ciyozwa lino, kuti Jesu Kristo uyo kubamba kuba kabotu? Mbuli mbo mwa cisyoma, mbubonya mbo ciya kuba kuli ndinywe. Kamuya mukasyome. Amen. Leza amu longezye. Mu lweendo lwanu buyo, amusyome. Uta—uta zumbauzyi. Kosyoma buyo a moyo wako oonse.

Koba a lusyomo. Uta zumbauzyi. Kosyoma buyo a moyo wako oonse.

¹⁸⁸ Ida lyako lyali ku kupenzya. Penzi lya mwida. Yanda kwiinka kuyoolya? Kosyoma. Nce ncico.

¹⁸⁹ Wapona buti? Tuli beenzu kuli umwi aumwi. Nse kuzi, to ndizi pe. Pele kuli Muntuumwi awa, utalibonyi, pele kavumbilidwe akati kesu, oyo uuzi penzi lyako mbolibede. Nda kubona kusola... Inzya, coondamazwi. Ula syoma na kuti Uyo kubamba kuba kabotu kuli ceeco? [I mucizi waamba, "Iiyi."—Mul.] Koya, ko cisayoma, nkabela to kalemani a ncico ikuti na uyo cisayoma buyo.

¹⁹⁰ Uli jisi zintu zinji ezyo zimupenzya. Ii penzi lya balindu, kwa ciindi cilamfu; mpawo, cintu cimbi, cintu cako—cako cipati eco nco bikkila maanu mu kuponesegwa, ngu coondamazwi, acalo. Ula syoma kuti Uyo kubamba kuba kabotu? Koya, ko cisayoma. Kwa mana koonse mbo cibede, koba buyo a lusyomo a kuta zumbauzya.

¹⁹¹ Ndili mweenzu kuli nduwe. Nsen a kubwene mu buumi bwangu. Kuli mwanakazi umbi uzumanana kulibonya. Ikuti na Leza uyo yubununa kuli ndime cintucimwi kujatikizya nduwe... Inzya, inzya, cikoto; cilanganya kupandulwa. Oyo mwanakazi muniini kalede mu cuuno eco nkulanganya cintu nciconya, cikoto. Ula syoma a moyo wako oonse? Ula cita na? Leza uyo kubamba nyobilo kuba kabotu ikuti na uyo cisayoma. Bikka janza lyako aali nguwe. Nce ncico. Mu Zina lya Mwami Jesu, mu Zina lya Mwami Jesu, akube kuti aponesegwe, mucizi.

¹⁹² Mwabona, nywebo, Nse konzyi kupandulula ceeco, beenzuma, muta ndilombi kucita. Kufundilila, nguzu, umwi... Ino cikoto ninzi? Calo ncikongo. Ino ncinzi cikoto? Kuvuzizya kwa maseelo. Ino ncinzi? Kuvuzizya kwa maseelo. Ino cikoto ninzi? Mu Bbaibbele, litewga dyabulosi, sikupenzya; ku mubona kakwiilila lugwasyo, nkabela eelyo lya kavwiila. Mwabona, bobilo bali kozyenyenye buyo, alimwi eco—eco nce caka cicita. Yaa.

¹⁹³ Boola, mulindu. Tuli beenzu kuli umwi aumwi. Wa kajisi ciimo ca kulibili ka ciindi cilamfu, eco caka kucitya kuba a ciimo ca mwida, penzi lya mwida, zilonda zya mwida, kubija mwida lyako, kunyongana ku meno, azimwi zimbi. Ula syoma kuti Jesu Kristo uyo kubamba kuba kabotu lino? [I mucizi waamba, "Ameni."—Mul.] Ncibotu, koya ukalye cilalilo cako mpawo. Kosyoma a moyo wako oonse, Jesu Kristo uyo kubamba kuba kabotu. Ko cisayoma buyo lino.

¹⁹⁴ Tuli beenzu kuli umwi aumwi. Mpaali Leza mpakkala mu muntunsi? Mu moyo. Awo mpe mpawo penzi lyako mpolibede, lili mu moyo wako, kutali kaambo kakubula Leza. Pele ku lekela lusyomo lwako kwaanguluka, ku kuponya penzi eelyo lya moyo, nkabela uyooba kabotu. Koya, kosyoma, kosyoma a moyo wako oonse. Lino, uta zumbauzyi. Koya, kosyoma.

¹⁹⁵ “Ikuti na mwakonzya kusyoma, zintu zyoonse zila konzeka.” Mbangaye basyoma a moyo wanu oonse? Sena ula syoma kuti Leza uli waano ku kubamba kuba kabotu? Sa uli...? Sa Ijwi lyakaba mu mibili wabuntu? Ino ncinzi? Lino, takukwe makani obo kunji Mbwe syoma, weelede kusyoma, ayebo. Mwabona, oyo mwanakazi wakaguma cikobela Cakwe, kasyoma.

¹⁹⁶ Ngooyu mwaalumi uukkede awa undi langide. Ujisi kuzwiya kwakwe kwaansi a kuzwa malowa. Sena ula syoma kuti Leza uyo kubamba kuba kabotu? Ikuti na wacicita, inga watambula eco nco lomba.

¹⁹⁷ Kufumbwa muntu umbi omuno oyo usyoma kuti Leza ulaponya balwazi a bapengede? Mula syoma kuti Ijwi, sunumasiku, lilizi maseseke aa moyo? Sena mula syoma obo? Ncibotu. Ngu eno twa muka ncobeni kuzwa obo mbo twakabede.

¹⁹⁸ Mbobuti mbo konzya kusyoma ceeci? Lino nywebo mulizi kuti Lugwalo lwabambwa antangalala, muta lekeli cisitilizyo ca nyama lino cila mupenzya, mwabona. Amuyeeye, ndi Ijwi lyaka syomezegwa lya sunu. Mbangaye bacimvwisywa? I Ijwi lyaka syomezegwa. Ta ndizi kunji kwa kulikozyanisa nko kabona. Pele, aboobo amundi gwasye, Jesu Kristo wakasyomezya eci, alimwi eci mbwini. Mwabona, kuti, obo mbwini.

¹⁹⁹ Lino akwalo Ula amba, majwi amamanino Nga kaamba Ka tana kuzwa mu nyika, wakatanta kuya ku Julu, kati, “Kamuya mu inyika yoonse,” Marko 16, “muka kambauke Makanimabotu. Oyo usyoma a kubapatizigwa uyo futuka; oyo utasyomi uyo zulwa. Ezi zitondezyo ziyo batobel a bo basyoma”? Sena mwakasola kucibala? Ino kwakali kutumwa kwa mamanino nzi? “Ikuti na babikka maanza abo aa balwazi, bayo pona.” Mbangaye bazi obo kuba bwini?

²⁰⁰ Lino umwi aumwi wanu, maminiti masyoonto aindia, tambika janza lyako kuti wali musyomi. Lino sa tamuko bikka maanza anu ali umwi aumwi awo? Ta tuka zumanani; nywebo mulizi kuti Mpali ano, nkaambonzi kuta bikka buyo maanza ali umwi aumwi a kukombela muntu oyo uukkede munsi lyako, ikuti na uli musyomi. Lino, Wa kati! Lino, peepe, nseli ndime buyo; nduwe, umwi aumwi wanu. Sena mula cisyoma lino? Amwaambe, “Ameni.” [Mbunga yaamba, “Ameni.”—Mul.] Ncibotu.

²⁰¹ Lino, langa, uta likombeli omwini, nkaambo muntu oyo ubikkide maanza akwe ali nduwe ula kupailila. Mwabona, amu bakombele, nkabela Ndiyo kombela nyoonse nywebo. Elyo ikuti na muyo cisyoma buyo, a kuzuminana komwe, eci ciyooba cimwi ca ziindi zipati maningi ncomwa kasola kubona.

²⁰² I Busyu bwa Jesu Kristo, obo bweelede kumunikila mbungano, kuziba kuti mu mazuba aya aakumamanino oko tunsiyansiya a tubungwe a tulengwa twabuzumini a zintuzyonse zijisi i—i Ijwi lyaka zimaana, a Jesu Ijwi aanze lya mbungano,

alimwi mula Mu bona kajoka akati ka bantu a kulizibya Mwini mbuli Mbwa kasyomezya, "ku mazuba akumamanino cindi Mwana wa muntu ano yubununwa." Wa kayubununwa mu lubbizyo; Wa kayubununwa mu kuponesegwa kwa Buleza; mpaawa Uli mu bube Bwakwe bwamamanino. Amuyeeye, eco cakali cintu camamanino Abrahamu nca kabona mulilo kautana kuwa a kubeteka inyika ya Bamasi, elyo mwana waka syomezegwa katana kusika aa cilao, Izaka. Eci ncintu camamanino mbungano ya Bunakristo ncoiyo bona, mu citondezyo ca maleele, kusikila ku kulibonya kwa Jesu Kristo. Ikuti na Leza wandipa luzyalo kumbele lyako, kondi syoma mu Zina lya Mwami, taakwe cintu cimbi cisyeede mu Bbaibbele kucitwa pele kubweza caando ca munyama; alimwi muli jisi Caando ca Leza.

²⁰³ Kombela muntu oyo uukkede awo, uukkede munsi lyako. Bikka janza lyako ali mbabo. Nda—Nda kali kulangila basunkuta; Nse bwene naba omwe. Pele kalo aka, Nda syoma, kali kale, oh... Ncibotu, bikka maanza ali umwi aumwi a kukomba.

²⁰⁴ Oyandwa Jesu, Mwana mupati uusalala iwa Leza muumi, Oyo uliko sunumasiku mu ciimo ca Muuya Uusalala, kacinca ciimo Cakwe a kuseluka a kuyubununa Ijwi Lyakwe moonya mu mibili wabuntu; mwaalumi, banakazi, wa bweende boonse bwa buumi, kutondezya kuti Walo ucipona. Ngu mbobuca nguwenya, sunu, amuya myaaka.

²⁰⁵ Mwami Jesu, tuli omuno mu dolopo eli pati lya Topeka, tuli waano bungana a bana Bako. Elyo twa komba, kuti mbuli Mbo kalizibya loko akati kesu, kuti lino Uyo simpikizya Ijwi Lyako, kutumwa kwa mamanino, kwaamba, "Bayo bikka maanza aa balwazi, bayo pona." Elyo bantu, bala lyaambilila, a kuzyalululwa ku Muuya, eno babikka maanza abo ali umwi aumwi, ku kulizibya beni a umwi aumwi, a kutumwa Kwako a Ijwi Lyako.

²⁰⁶ Lino, Saatani, to konzyi kujata bantu aba baciswa limbi. Balo nziyo zya Ijwi lya Leza. Kozwa muli mbabo, malwazi ali mu mibili wabo. Muta bapenzyi limbi. Abalekwe baanguluke, kuzwa sunumasiku kuyabuya. Swebo, mbuli balanda ba Leza, abo balizibya kutondezya Ijwi, kukulailila mu Zina lya Leza muumi, Jesu Kristo Ijwi lyakaba mu mibili wabuntu akati kesu, kozwa mu bantu aba baciswa, a kubalekela kuunka, nkambo ka Bwami bwa Leza, a mulao waka tupa kwiinda kuli Jesu Kristo Mwana wa Leza. Ameni.

²⁰⁷ Boonse abo basyoma a kuzumina kuponesegwa Kwako, kakutakwe cimvule comwe ca kuzumbaunya, awa mukati ka cisitilizyo ca Bulemu bwa Shekina, kubona Ijwi lyaka syomezegwa eelyo ndyo tuyu njila mu mvwiki eyi, ku Ci bona kaciyubululwa mpoonya awa kumbele lyesu, atwi imikile ku

matende esu a kwaamba, “Nda tambula lino kuponesegwa kwangu. Nda syoma kuti Jesu Kristo lino ula ndiponya. A moyo wangu oonse, Nda cisyoma. Nda cizumina, mu Zina lya Jesu Kristo.” Leza amu longezye. Amu tambike maanza anu lino. Elyo umwi aumwi wanu, mu nzila yanu, amu Mu pe kulumba ku kuponesegwa kwanu. Ameni.



KRISTO WA KALIZIBYA MU MAKKALO OONSE TNG64-0617
(The Identified Christ Of All Ages)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Bwatatu mangolezya, Gandapati 17, 1964, ku Municipal Auditorium mu Topeka, Kansas, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org